

泉州府志

卷之五

卷之五

泉州府志卷之五十九

篤行

篤親敦故自廟堂以迄蓬華胥是道也大司徒三物
賓興二曰六行古處是敦風斯厚矣泉瀨海而居古
心質貌尚鮮澆漓之習士君子砥行於鄉飭規儻矩
族姻閭里間往往恩意流溢次而匹夫自好行誼亦
有足多者彼其至情所將未嘗爲覬福澤計而天人
感應如響應聲卒之光大融顯不於其身必於其子
孫被榮封而享令名由唐以來歷歷指數仕宦科目

而外大抵皆縉紳之祖若父也其或淵潛霧隱一時未騰其輝而後嗣蕃衍寢熾寢昌久終必發追而溯之夫固累黍不差耳

國家一道同風民俗不變

宗上諭十六條諄諄訓示海濶山陬莫不父誡其子兄勉其弟相期以革薄從忠况吾泉素稱淳厚者哉志篤行

唐篤行

鄭挽字季實晉江人七八歲即明敏嚴潔無童心及舞象

溫良貞亮如成人既冠孝弟惠和俾於前哲人望無間
時譽皆歸歐陽詹之妹嫁焉及卒詹為銘其墓稱曰君

子

闕書參歐陽
行周傳誌

五代篤行

蔡儼晉江人為人節儉好施王審知辟為戶部郎中

闕書

宋篤行

陳龍輔

陳詳

蔡憲發

陳龍輔字寶臣晉江人汝夷子嘉祜二年進士知建昌軍

身少月八
卷之三十六
二
秩滿棄去集古今忠孝德義爲子孫法子孝友孝恭孝
威俱第進士而孝恭有盛名自汝頤徙居丹徒孝友輩

遂世爲丹徒人

闕書

陳詳晉江人年十八登紹聖四年進士爲南劍州推官尚
書黃裳妻以女未幾女亡裳故挈其裝歸以觀其趣詳
不爲意乃反之仍歸以娣同年張讀題其里曰通籍終

通判濠州

舊志

蔡霆發字子飛晉江人居南安白石村學行純篤躬負薪
以養母淳熙十一年進士以邑最召入朝主管官告院

能其職卒于官所著有家訓集鑒

舊志

明篤行

曾訓

吳龍

郭全

黃賢

柯應壽

謝仙舉

溫天德

蔡潤

黃恭

林榮

張天眷

丁德

蔡觀慧

林昱

詹祿

黏細

顧美

雷昆

唐章

張旺

謝洞

張宗應

伍元旭

莊積坪

郭濛

洪璽

林茂森

林應

楊興

林凱

朱璿

吳懷荆

陳元

張良保

李弼

洪賀

蔣文樞

洪彬

鄭元

傅珙

顧原淑

許統懋

曾訓字廷誨晉江人宋魁首從龍之後賦性質直言必由衷居家理與人交信持身謹飭課子義方念先世祠宇多歷年所恐至廢墜捐資竭力葺治以奉先祀年五十六卒子濟永樂辛卯舉人戊戌進士官知縣

節梅月山房稿

吳龍字仲雲晉江人生元季世比入明父與兄弟相繼淪
沒乃刻志治生銖積寸累漸致饒裕事母愉色婉容一
衣一食不進于母弗敢先母歿喪葬盡禮待族黨有恩
姻戚中女孤不能嫁者二喪貧不能葬者七皆力資之
好賑人於乏絕拯人於危難鄉隣有爭者聽其直不願
赴有司課諸子力學不稍姑息年七十五卒子四孫十
次子應宗入南安庠永樂甲午乙未聯第進士節桐月
山房稿
郭全字孟良號樂樵本浙江富陽人元末隨其從禮欽任
泉州鹽提舉因樂泉之山水遂居晉江築書舍于城東

雲谷山教授生徒自號雲谷主人精通壁經兼涉諸子
性倜儻瓌瑋言溫氣和不爲矯飾之行與人交意豁如
也平居澹然無所計慮至與語古今事論人賢否則縷
縷數百言浩博漫汗不見涯涘喜獎勵人見人有一善
譽不絕口懼弗聞於人也鄉里有忿爭詣其門爲分曲
直一言立解至有及門而反者曰吾所爲是非乃敢煩
處士也怡情林谷遇知己至則掃石講論終日不厭已
而命酒痛飲酒酣則高歌長嘯浩然自得不以功名得
失稍係其心是爲郡東郭氏之一世祖年七十二卒葬

于皇蹟堡竹殊山俗傳爲壁上掛燈堪興家所稱爲雲梯是也子居賢舉人教諭宙庶吉士

節曾聚撰誌
李時勉序文

黃賢字彥德自號逸齋晉江人元處士天麟其初祖也生五齡母歿鞠于繼母孫氏天資純夷孝養逾於所生長卽知讀書好禮維持家務勤儉治生家用是裕且樂施子周急里閭少年不事事者必喻以爲善人多化之長

子應登永樂二年進士次惠抱德不仕

節黃氏
家傳

柯應壽字克忠號中軒晉江人少失怙恃事兄如父凡百勞動以身肩之不以煩兄暇肆力經史所著作爲鄭浮

邱黃元之二公所稱賞洪武三十一年初設糧長兄應

祖在籍申應壽以道里修阻兄年高牒任馳驅呈請代

兄北上領部符歸督公賦還至闕清以疾卒子季永樂

丁酉舉人辛丑進士任徐聞知縣

柯氏世祀

謝仙舉字師喬安溪人建文己卯舉人初任德慶州學正

遷鄭王府伴讀篤學善誘年老告歸王授金賜杖天性

孝友處世和平族黨式之

安溪志

溫天德字伯乾號肅軒晉江人生而敏慧長而誠篤言不

苟發事不妄動養親愉色承顏克盡孝于敬愈疾昏夜祈

禱通于神明居喪哀毀踰節祀事豐約得宜誨子以嘉
言善行律身必謙約節儉聞人善稱之不善隱之好訟
者解以利害貪殺者動以好生接物以禮御下以寬衣
冠獨處左圖右書探賾索隱酷愛周子通書道充爲貴
身安爲富之語顏讀書之室曰充安精舍卒年四十七

子良恭

節齋
學稿

蔡潤字懋德號一朴居士晉江人幼喪父事母盡孝撫諸
弟妹爲婚娶長厚質直恬於榮利杜門家居三十年教
子孫讀書鄉士大夫翕然稱之郡守沈海列其名於旌

善亭年七十七卒孫清

黃恭字汝誠號誠菴晉江人父貴永樂癸卯舉人任饒陽
教諭遷南京國子助教恭景泰丙子舉人授韶州通判
在官勤慎有爲剛果不阿七載致仕歸恭少倚父饒陽
勵志以承家訓及父歿母老家故貧之以次婚嫁弟妹
信敏二弟早卒撫諸姪成立無岐視次第寬以成化壬
辰進士任浙江僉事皆秉其教既告歸優游田里二十
餘載卒年七十六蔡清爲銘其墓

節蔡虛
撰誌

林榮字秉榮號直菴晉江人天性孝友淳樸父嘗欲建居

室葺里塾未遂其志榮體父志爲之自是同祖皆得安
居子弟莫不肄業待族感聖黨一以信義剛正處之人
服其平晚以齒德俱尊得受章服郡邑恒延致賓席爲
風俗勸子同宏治辛酉舉人歷兩浙轉運判官

節詒峯
遺集

張天眷晉江人教授寬長子孝友篤摯父俸餘悉予弟無
所問分產推贏取瘠喪葬必致哀恪慷慨好施急人如
恐不及邑建肅清樓所拮据捐助居多又督臨漳門馬
頭坛以固城圍皆藉其力修樸樹亭而解紛排難有古
烈士風折節爲恭儉人心悅服太守張濂邑令張標劉

清咸加禮異清嘗爲題贊稱曰太古之民

飽張氏家傳

丁德字崇新號少逸晚稱逸翁弱冠爲諸生天順間督學

至郡待士過嚴聽講試課震以誠朴德遂以親老辭籍

性曠達冲夷家貧落容詞秀整有文安詳有度未嘗向

人作貧態人亦莫知其貧者焚香披卷陶然自得與鄉

里談桑麻不倦以橫逆相加者不置于懷有產薄兌于

人兌者利其價廉賂里書移稅入戶聞之不執于官亦

不持原券取盈平生不持斗斛星尺不問家有無惟祖

先祀事旬日戒具必誠必腆治器皿澣衣服齋沐三日

乃與神交率爲常值歲艱食或日昃未炊或日中舉火
若弗聞者對客款談不異平時郡邑廉其行誼榮以冠
帶年八十七卒孫自申節三

陵稿

蔡觀慧字允元一字元文晉江人清之父既受封與鄉里
耆舊爲逸樂會會之言曰朋友五倫之一百行道義之
根凡我在會之人善相勸過相規有疑相質有憂患相
與爲力時傳誦之

闕書

林昱字曦明號坦夷晉江人兄蚤傷獨力支持孝事父母

性仁厚而長於義一節一正一寡維持其家撫諸甥長

立之與人交淡而信臨事矩度整如軒凡微塵必掃
際之曰治心亦當如是治農圖脈絡貫通而界限分明
得經界遺意郡太守禮請鄉賓年六十四卒子城宏治

丙辰進士饒州知府

節蔡文莊集

詹祿字廷善號素隱安溪人靖第六子弱不好狎父卒于
官與母扶喪歸葬郡城羅裳山遂徙居晉江祿以幼子
任家養母遺二兄以佚使就學爲諸生及兄早世弟嬰
痼疾又爲周旋其家政禦侮恢侵持緩赴急情款殫竭
力亦副之治生以暇爲整不役數設機衣食取足自充

無養卒之慮國中邑宅郊外廬墓樵次偕作扉靚牖恤
階礪潔緻不豐巧而風致可悅與二三耆叟爲逸會咏
風嘲月怡然自得初宏治辛亥劇賊溫文進之亂安溪
尤擾祿扶母逃匿僅脫母而自爲賊得慟號哀警賊不
能害監司主督捕賊者廉其名亟召至庭中間計祿爲
指畫山谷形便兵道所從入地宜據及所當避與防之
險塞竟如其策賊以平其才有過人者年七十六卒姪

源副使子洧以貢爲高要縣丞

節王遙
巖文集

黏綱字尚欽號素齋晉江人其先爲金裔元時博溫察兒

官河中知府以世亂寓居江南浮海抵泉居晉江濤美
場四傳至細始居郡城豪爽好施親舊貧困者撫之長
爲婚娶喪葬雖多費無吝色宏治閒以子燦貴贈監察

御史

節菴氏
家乘

顧美字孟璽號簡齋晉江人爲人明白坦夷才具優瞻先
世貨產償官逋家貧落美觀時燭物能籌盈縮稍自給
重義輕利視親故之匱乏者周之貧而不能償者毀其
券癸丑山東飢奉詔入粟賑飢得賜冠帶稱義民年登
六十委家務於諸子日與蔡觀慧等十四人爲逸樂會

登高眺遠賞花玩月怡如也卒年六十五子珀孫原淑

蔡文
莊集

曾昆字茂明號易菴晉江人十三歲而孤長通經史大義
善戴禮已乃刻苦節約以裕其家隨力所及施諸族黨
鄰里卑躬折節不敢毫髮加人有犯之者輒自引咎痛
父不逮養三牲豐饌之味力自裁省歲時祭祀及忌辰
則不御者累日行於道路昆虫蠕動引足避之不忍踐
也嘉靖初年以高年行誼子冠服年九十一卒子芳孫

志淑節小山
類稿

唐童後更名璿字汝器號遷喬初爲安溪人後徙郡治之
南家焉事親孝與人交始終見裏無二言於義利曲直
嚴其辨歲闕館延名師課督子弟及里中兒好施與闕
急若弟及貸者稍久輒焚券成化丙申野如赭人且孳
死童出粟二百石濟之爲飲饘不勑成谷掌羅拜去有
闕于村者不之倅而之童童憫問語之羣噴曰長者也
卽解如初家居雖無事必蚤起櫛盥掃祠寢長衣危帽
焚香淪茗徐言雅步於世味澹然歲時偕諸老爲逸樂
會家故善釀儲至數十瓮會者至出飲之觴詠笑談至

忘朝夕飲且醉耳熱浩歌隱隱擊壤風度管輸粟實邊
得受冠帶子鍾鎧鏡鐸俱爲諸生

節邱中
丞文集

張旺字廷春號仁菴晉江人成化癸卯舉人少警悍善屬

詞經傳聞輿深心鑽研食貧茹淡授徒以養母一門七

口合爨事寡嫂如母撫孤姪如子居母喪毀瘠異常文

章行誼著聲巽序爲諸生祭酒者二十餘年督學試皆

高等歷任郡太守皆延爲弟子師陳孔明稱其勤於藏

修爲文必以理勝沒後祭文莊清爲誌其墓曰公以易

起家深篤簡勁不事表暴其銘曰孝友學家庭行誼重

縉紳俱實錄云子元璽宏治辛酉舉人建昌同知孫冕

嘉靖丁未進士廣東右江

議節楊商澹
栖霞集

謝洞字宗達晉江人成化癸卯舉人少游鄉校聘定其室

既而女氏目疾喪明其父母不願歸曰毋溷少年生也

洞咨于母竟成伉儷生子及舉鄉試爲鄞縣教諭其妻

告姑曰幸命子置妾隨侍替婦累夫夫不同往洞居鄞

二載仍迎致學廨相敬不異嘉賓學行介特世有六美

之稱陞齊同知

等被府志
蔡隆慶志

張宗應號進修晉江人質性澹雅事父孝甘毳必親建具

慶堂以媿親周泰初爲之記弱冠爲諸生屢躋棘闈內
行醇整長幼無違言心皎氣溫不侵然諾恂然好恭無
陰機陽過亦厭爲強慧詞捷以懾人心臨終戒勿用浮
屠勿請銘子寬正德丁卯舉人累官台州教授節張氏家傳

伍元旭字伯陽號節齋晉江人父客死于淮扶柩歸撫幼
弟婚之食共粟居共廬友愛終身生平曠夷無分外于
取足不躡公門自奉涼薄待人必以禮時與里中耆老
結會孚洽戀款久要如一日不虞人欺人亦不忍欺之
或爲多暴者所負有勸以戒之者曰寧人負我勿我負

人雅好士類每歎讀書爲第一等凡名公簡札奏議繕
寫成篋閑居輒展玩不置用以教子克成立敷歷中外
著遠望焉年四十四卒子鏗嘉靖丙戌進士歷官叅政
初贈父承德郎戶部主事繼贈奉直大夫工部營繕司

雲外郎 節題新
山文集

莊績坪號無懷晉江青陽人九歲喪父事母得其歡心與
兄弟相友無閒兄嘗病疫躬自扶持朝夕祈禱或言疫
瘴能相染則以死生有命兄弟難得之言自信待族黨
故舊有酒則酌無酒則酌談笑相樂未嘗以乾餼獲愆

且諸子讀書喜而勵之曰讀好書爲好人勿汲汲焉專
業爲好官也吾身隱無大德不敢植槐於庭惟植梅于
隱室之上暗香疎影聊以自怡耳欺之者不疑陵之者
不知粟廩將罄心無戚戚真太古之民也年五十有一
卒子科宏治乙卯舉人高州知府

節紫峯文集

郭泌字本濟號敦確晉江人居賢曾孫幼有儻卷舒之
籌畫未冠而孤受侮不少淡毅然特立察於彰微剛柔
之際方員時出人莫能欺咸斂手以觀老成見舊宅泚

塗慨然曰吾觀先德宗子當與吾宜大其屋廬如古人

所謂門容駟馬車者以爲後基夙夜勤勞充拓以成之
不計費時時衣冠林谷香祀天祈後昌大施貧如飢寒切
身下士如好爵自麻先娶王氏生二女而歿繼娶陳讓
之姑陳氏生三子枝葉漸蕃年四十七卒秋江林堯輓
以聯曰才真能繼世做生前許多好事智足以衛身畱
歿後不盡芳名人謂足盡其平生云

節見吾
選稿

洪璽字朝寶南安人感化中歲貢授建昌訓導日與士子
課業講授不輟設饌以之性情靜無疾言遠色嘗爲邑
士食餼時家無餘資伯父諸昆尤貧分廩資之歲款不

倦及伯父歿，匍匐哭盡，哀喪葬，皆力任焉。士大夫爲詩文

侈其事

舊志參南安志

林茂森，晉江人。年二十八喪妻，母氏撫孫，哭曰：「哀哉！幼喪母，異時繼母苦汝。」茂森感言：「終身不娶，有里婦善刺鞵。茂森與其子鞵，高諸里婦，或戲之曰：『君以義自持，鞵從何來？』耶茂森歸，引刃碎鞵棄之。自後着皮鞵而已。平生莊嚴，和易，里有其非，悉往質平葬之。日環其居，數百家皆悲哀。出祖元二甫任。」

閩書

林應字應彬，以字行。諱明夫，同安翔風巖圍山頭人。希元

父也少失怙鞠於母李以愛失學只讀竟四書正文然
敏悟絕人既長於書多愛解觀書過目輒成誦嘗有官
司榜示數十條好事者疲於抄錄應晒之人曰若當如
何曰入眼當爲胸中物耳人以爲妄試之授以紙筆許
三閱而錄僅至再不遺一字衆驚服於書手按目閱未
嘗開讀及對客談論遇事援引滾滾千百餘言不見錯
落觀史至古好臣若秦繪賈似道輩必切齒唾罵至忠
臣義士如程嬰公孫杵臼張巡岳飛文天祥事輒嗚咽
流涕凡算法農圃卜筮地理陰陽法家靡不通曉尤邃

星命推測皆中居鄉飲人以和人咸悅之以公果見重
里有爭辨多就取決計口度田課僮耕之以身率焉并
子弟亦令讀書之暇躬習曰使知艱難耳尤愛惜物力
曰一穀一粟一錢一布天時地利人事三者備而後成
可不重與生平不御車馬雖數百里不異四方賓客延
納之曲盡其情外剛烈而內仁恕人有犯不量彼已輒
與角窮乏者則哀悼之佃人輸租不如額者緩之卒竟
貫焉人有患難以身濟之罔恤利害海寇作梗邊海漁
民苦荒業倡義執其渠後寇欲反仇徙宅避之嗣為鄉

惡少彭姓所侮校典勝業因之落賢限以歿年六十有

五卒後十七年而希元登第

採林次
產文集

楊興字昇申晉江人少習儒業閑習禮節郡辟儒學掌儀
常翊贊趨踰爲當事所重讀書教子而外不干餘事嘗
謂其子曰吾不宜於時若能力學振吾宗在不息戊午
冬有事於清溪觸瘴癘得疾興歸卒於家年五十七子

曜宗孫輿

節桐月
山房稿

林凱字明凱號逸齋晉江人坦夷莊恪勇於爲義少孤母
李改適旣長迎歸就養比殘喪以嫁母之服祀於別室

從兄迪爲諸生領鄉薦費皆凱出迪歿又恤其孤孀凱
前妻楊蚤喪長子潮在抱爲父兼母之慈畜之繼娶楊
氏體凱意愛如已子及潮爲御史按江西屢抗寧庶人
幾爲所厄聞之喜曰吾兒能是其職也寧庶人雖藏逆
外飾小善潮與巡撫孫公諫獎其小善以挽之且內爲
備事聞而變作孫公死之時潮已還朝人有病其不當
言寧小善者凱聞之又曰吾兒心迹與孫公同特不幸
不同其難爾其見大義如此年八十卒

節小山
類稿

朱璿字景政號憶菴晉江人都御史鑑長子端恪誠實事

繼母以孝聞父提督雁門關時領兵拒敵璿與從兄璋
日左右其閒披堅執銳身先士卒翼父于矢石之下事

定羣下以功受官賞璿獨讓不受既歸家值天順丁丑
歲凶入粟賑飢受正七品官承事郎建祖祠置祀田備
祭器定祭儀構書院延師教子孫諸爲永久圖鄉里稱
爲孝誠先生年七十九卒蔡文莊清銘其墓曰立百行
之本推以爲一家之政者庶乎其修矣

雍正稿參
文莊集

吳懷荆號素軒晉江人力穡起家佐以勤儉夜無全寐者
餘二十年遂以饒聞性敦實孝友母謝病盲每伺意旨

服事惟謹垂十年如一日母歿喪葬如禮割田充祀宏
治乙卯海岸長橋齧善崩捐貲堤之乙丑崩復堤之蔡
清爲之記癸亥歲疫死者相枕藥而起棺而掩者凡若
千人以詩書督其子聰敏曰其勵而業亢而宗汝視汝
攻書孰與吾勞苦可嬉乎聰業成宏治辛酉舉于鄉敏
爲郡諸生晚益夷坦真率與閩中高年爲逸樂會歌酒
竟日卒年七十有四

節邱中
丞文集

陳元字廷春號素菴惠安人五歲而孤煢煢與母居沈靜
寡言笑長益韜斂謹飭非類不交非義不取與人接以

信始終如一內治嚴整屏外不聞警欬聲器物精潔無雜塵居旁有園亭蒔花果偃息其中鍵其門無事不出獨賢士大夫至則相對無倦容年五十二卒塔張岳銘

其墓

節小山
類藁

友良保號南圃晉江人家貧晚就鄉塾課士維嚴已而薄遊吳江及子舉進士乃歸內行醇備儉而有度宿憾不畱祖屋悉畀弟姪季弟無嗣附蒸嘗以祭晚構萃樂亭羣子姓讌集其中莫辨其爲功爲從爲再從也有司延爲上賓非公不謁地方利害輒娓娓言之每見鮮衣怒

馬好膏飾者引戒兒孫曰是其潤也不朝夕汝曹念之
以子志選貴封戶部主事卒年八十五志選歷常州知

府節張氏

家傳

李弼字世伯號坦菴晉江人家貧治生常執義以馭利其
斂發舉廢恥爲巧求險取所入獨薄好憫人急濟賙所
及充其分之所止與財之所得爲與鄉人居退然自約
不敢以所能加人而開敏強幹卒莫能掩有爭者來就
決面譙其非人服而無怨而以事卽謀者畫其然否授

之多中款所居面學宮每戒諸子曰室休庭立當有宮

牆在目無待觀甚魏煥乃起敬也課子讀書必得其多
寡生熟之數爲喜怒勸董之其有文學氣誼與子遊者
節齋口腹撰具食之如恐不飽也以子仁貴贈惠州府

推官

節王遵
巖文集

洪賀字壯號松峯晉江人性質實能治生平日崇信義
重然諾凡商貨遠至必藉司平與人貿易無不倚重敬
信者自奉儉約服取蔽體食取充饑居室取完固用能
銖積寸累有中人之產初與二兄同事父母稍饒乃請
獨任養先志承歡甘寤畢致及喪葬百凡獨肩不累一

兄自壯至老徒步道中未嘗乘車馬少知學作字端楷
雖冗忙中無一畫潦草用以課子有成立及子貴受封
淡約不改或勸之曰公公今富貴且老矣不可以徒行賀
曰吾敢以貴富加諸鄉黨宗族哉郡太守屠東崖謂其
任真不飾不以器用衣服飲食損德終其身無不酬之
德無必報之怨殿元茅見滄謂其起家節儉言語必信
利不爲徼取名不爲矯立含貞履素城府洞然蓋寶錄
也年八十四卒子富嘉靖己丑進士歷官叅政初封父

形部陝西司主事晉封江西司員外郎終封中大夫兩

浙都轉運鹽使司運使

山文集

蔣文樞字汝用晉江人以入粟補散官十歲喪母事繼母
盡孝父達以剛得謗于外臺議重典文樞求以身代弗
獲同知于公茂寬之以上聞文樞抗辭爭論不以獲禍
自疑仇得報既長銖積寸累延名師教諸子有佃繩墨
者重筆不貸早厚資息後悔之曰營營執籌者安在哉
毀其券十之八於城南卜地築池亭書舍爲後人藏修
久計凡泉士之俊者必招延其中卽遠方來者亦館穀
不厭友諸弟最篤族中公事竭力應之姪孔煬爲通州

守以憂歸文樞方與議營家廟及訂墓祭禮未就而病卒臨歿猶以家廟墓祭二事囑其子偕姪成之並以季弟孤男遺女婚嫁事諄諄焉

節筭江集

洪彬字子學號恪齋南安人少深沈有思力樹藝躬節儉厚積薄費營運孜孜遂致充裕孝弟天性居父喪哀毀踰節殯葬以禮事庶兄惟謹方父未葬時暮夜有號倉皇懷資而遁已慮焦土之變亟還扶柩去他悉不顧篤親忘利爲人所稱居家惟積善行義平心處物不求自

便於人無競租稅以時輸足不躡公門奉身布衣蔬食

親朋過從必款洽盡歡晚避寇移家郡城宗族鄉黨歲時慶弔問遺必躬至無簡禮於屋西作室一區植名花賞玩自適一日與客對談方期去倏然而逝人謂其羽

化年四十五

節林次
崖文集

鄭元字乾明號殖菴南安人少儉儻好義樂善鄉人無不信服值歲凶協謀者踴巡視分賑賴以全活甚衆海寇大肆剽掠濱海者靡有寧居元閱鄉兵修戎器編爲隊伍以時操練賊聞不敢犯其鄉事二親承顏順志懼不得其歡心歿喪葬盡禮喪睦宗族凡葬其不能葬者

二十九喪延師教子課督維嚴及子普登第爲無錫令
迎之官始普嫉民之軼法者杖之痛元曰夫孰非人之
肌膚而忍令其痛也且民不知法教之可耳烏在杖之
痛乎普以親在數入內問省輒止之曰堂上須臾不坐
縣官庭中門外之人積矣有裹飯滿足而來者卒揖然
而徒反事安得不滯而下情安得盡吳中人士善治珍
巧飯食一日有持餉來者普受而進之元曰吾家故蔬
糲此非所常食吾弗甘之且兒以親故受餽邑士多矣
胡以拒其他民將覘意闕闕獻當漸廣雖不受彼已養

矣吾終不食此以杜其後也自是普不多扶人勤政慎
取大著賢聲越年告普曰海濱之廬將穢田園其萊矣
吾少所治習其勞而安焉糞除芸植還吾舊事豈以而
爲吏輒耽祿養忘故業哉遂歸初封文林郎晉封奉議
大夫年七十二卒

節顯新山王
遷巖文集

傅珙字質溫號禾江同安人少讀書了晰經史尤好通鑑
能舉其首尾嘗讀至所記強項令而追歎之曰斯丈夫
矣父年已老珙不辭筋力服賈爲養時時轉販米穀於
漳泉閒時其貴賤爲往來不多取人直有多直輒舉還

之有兄二人曰琮曰珍珍逮繫省獄琪橐餽以從力爲
訟寃出之亡何珍客死福安人謂道遠火之便琪不從
以櫬歸及父與長兄琮同日卒哀毀幾不欲生撫二孤
姪鞠之誨之爲之有室于鎮幼穎慧勉之曰學則庶人
之子爲公卿及十五歲爲諸生有文名又誡之曰女莫
吾猶人也其當先士行及舉進士馳書示之曰幼學壯
行此其時矣鎮歷官著清節俸餘無羨益心喜之邑令
屢致鄉賓勉一就鄉有兄弟爭田者求琪居閒則將挈
田相畀琪爾與款酌反覆諭之曰辱君意誠厚願君視

予於兄弟孰賊哉可不以讓兄弟而獨異予其人愧悔
去遂敦好如初以鎮貴封御史年八十卒次子鑰

顧原淑字子紹晉江人司徒珀長子蔭當入官以母吳氏
年高陳情終養移蔭于子應順單恩封詹事府主簿生
平孝友篤摯恂恂若寒士默契道真郡太守延爲鄉飲
大賓臨終有鶴唳于空中悉召親友賦詩見志端坐而
逝年九十三

閩書

許統懋字舜熙晉江人兄弟四人已居二上無所襲年十

三從伯兄治生知勤嗇天倫外物知所取舍贏餘無毫
髮私聚首而食者二十餘年後生齒日蕃乃析著然屋
連甍接朝夕寒暄無閒也家法儉樸其訓子孫曰人須
準古古今之鑑也故典吾鮮知然勤成嬉敗以今證古
多得之汝輩治儒治商無不可爲但無墜所事耳人以
爲善教處鄉黨恂恂然未嘗以矢口取咎遇事必慎行
之雖小無苟也年七十二卒史于光爲銘其墓

節荀
江集

明篤行二

謝瓚

邱絕示

張基

楊敷

何聰

陳樂

郭樞

郭恭

黃朝緒

黃軫

莊璋

張憲

張志騰

黃時清

張志立

莊爾

陳普賜

黃繼宗

李旦

張堯

丁懌

黃適

王瑞

李興仁

王陞

陳寬

陳尚謙

邱維材

蘇璟

康炅

劉恭

許鍾會

黃穎

張賜

林頌

陳賓

陳謀

李日新

曾素菴

楊希憲

蔡應胄

張守則

陳啓文

蔣繼勳

張守簡

李貞

江秀卿

莊一道

陳邁質

王賜良

莊廷璉

徐以嚴

邱維楨

李宗禹

張守質

楊敦默

洪庭芳

洪侃

蔡橋

謝瓚字文祥號潛深晉江南廳人在孕而父歿母遺腹生
瓚辛勤乳育以底成立明敏豁達不拘小節兄環甚愛
之嘗謂之曰難得易求古人確論壞篋不諧非家之福
也瓚曰疎族同姓自祖宗視之猶當相愛况至親乎性
喜飲酒登山臨流酣暢終日人或誦陶翁止酒之詩戒
之笑曰而欲我獨醒耶於詩雖不甚解而好詠前賢佳
句以自適酒酣則歌曰醉後不知清露重興來擬共白

鷗盟或勸之種貨則歌曰漢武玉堂人豈在石家金谷
水空流聞有濟人飢者則曰能與貧人共年穀必有明
月生蚌胎聞有瘠人肥已者則曰萬事分已定胡爲但
戚戚不爲麟鳳爲虺蛇不種芝蘭種荆棘聞有毀之者
則曰看成鼎內真龍虎管甚人閑閑是非其識趣如此
年三十二卒陳琛爲之銘

節紫峯文集

邱紹宗字世振號慎菴晉江人端直峭重有識度事親孝
養備至父宿疾成憊晨夕省侍扶掖抑搔滌濯幫臉不
假他手友愛其弟同居共爨三十年如一日恤二女弟

撫弱錫皆極恩紀族子有隳業反教者諄諄戒諭需革
悟乃已與人交無枝葉畦畛信義秋霜平生理生飭行
賓祭婚嫁至篋篋細碎皆謹而治官不識面鄉無詬評
晚益稀省斂退息慮陶真身鮮疾疾年七十二卒

節邱
中丞

文集

張基號樂吾晉江人生而喪父鞠於母與兄友愛特至自
少至老肩衽相隨不忍離性耿介亢直而坦夷無城府
尤好施與調人匱乏不爲吝課童僕種作食力歲計所
餘給兒曹鼓篋之費至延塾實禮鄉彥必盛爲款設所

交多名公貴客陳紫峯琛贈以詩有花發草生皆可樂

焚香掃地與誰同之句蓋紀其實也孫會宗

節三陵稿

楊敷字文敷號確叟居士晉江人隱於田閒含淳樹樸獨以孝友睦婣爲務尤勤力作朝夕課家僮治桑稼竟年不輟性好施凡族黨貧弗能自振者有求輒予予不責償生平言不輕發發輒使人意消閭里難平之事得其一言立解文墨不甚嫻而所援引皆古今興衰善敗之大端諷子孫惟忠厚勤儉四字尤有遠識當兵燹未起卽懷先事之憂卒果如所料年七十餘卒曾孫景辰

節楊

大學士

文集

何聰字元敏號誠軒晉江人甫受室值父病懸朝夕扶持
不離左右問醫求餌盡耗其財持千百錢爲資販賤鬻
貴以自給粗衣糲食恬然安之同行者挾巨資見其質
實可任欲畀以資而分其贏離曰吾自持錢得贏誠微
然累寡而意輕若受託則心勞矣有買物償過其直者
爲分析還之與耆舊相過尤敦誼好鄉子弟遊侈者見
之輒自飭時而突烟不起與妻相對無愧讓或得酒一
瓶相酬意氣各得曰富人勞苦不休欲如我清適半刻

其可得乎子据節王適
叢文集

陳樂字堯和號東溪晉江人居南安幼卓犖奮發治毛詩
日夜誦說解析遍購羣書未快意復往莆陽尋師卒業
詩旨大明文采蔚起爲莆邑諸生多士推讓值督學好
立威士無大小過輒加擯楚樂謂非待士禮投筆棄歸
督學道學官招之竟不選事母及嫡母盡孝居父喪號
慟摧絕弔客不忍聞其聲取朱子所輯家禮行之里人
漸有化者居二母喪亦如之襄葬不惜鉅費不及弟兄
有姊妹二人喪其夫殯葬之築室居其孤甥解推衣食

立鄉塾以課族子彬彬向學歲凶弛租予農人皆願耕
其田田益墾人有緩急并力赴之遇事持議不苟同有
不善者直折之人亦無怨未歿前數月盡搜篋中貸券
火之不復籍記姓名會予以御史出使過家值樂病留
侍久之得視殮年六十八子儲秀

節王遵
巖文集

郭樞字世密號慎菴晉江人贈御史濱長子生而孝友稍
長竭力經營以養父母資弟妹弟楠爲御史建言被廷
杖下詔獄樞萬里奔馳赴之將負骸以歸旣而得生還
樞慰之曰爲人臣當如是了無忤容及楠復起崑山令

廣信丞南寧府所在著賢聲樞多書勉之謂牧民官自
應視民如子政成譽起益須急切痼癩值弟貴顯之時
而所談者皆農圃稼穡之務所遊者惟親友琴樽之樂
凡官府之事干謁之私未嘗一溷於耳一接其人儉德
自堅秉禮鰓鰓族人化之皆檢飭不敢放縱年逾耄猶
持家政洒掃庭內戒飭孫子正襟危坐不喜不嘆夜臥
有盜入室樞起揭帳端坐床中不作聲色盜揚火見之
以爲神遽逸去別駕唐公延爲鄉飲正賓年九十六卒
憲副何元述輓以聯曰齒德重鄉邦此去尋香山仙會

老萊孝子猶抱恨未滿百年兒孫多益善將來振柱史

家聲有道仁人應含笑已全五福

節遠溪尹張
天敘撰誌

郭恭號梅峯晉江人性至孝六歲喪母稍長事父及繼母
先意承志竭力供養嘗買地晉江四十一都南山鄉拾
母骸改葬值天雷雨忘穴處有老人示以姑置瓦棺叢

中而自逃避及晴詣視則已埋藏矣傳四代科甲一氣
官卿憲遂爲發祥祖地郡中所稱螺絲吐肉是也葬後

會掘地得金人以爲孝感云子良璞

郭氏
世紀

黃朝緒字志理號廣堂同安人賦性嚴厲治家勤勉經書

精密家故饒值中落奮然有恢復之志念父祖祀典未
備割已業若干以爲祭田又規畫祠堂規制以遺後人
嘗誨諸子曰心志無事之綱心堅石穿志勁石軟男兒
無志焉攸立哉又訓其子國濟曰爾讀書當如吾治稼
播種交耘必以時蓋溉必以力則稼雖與人同所獲必
與人異讀書亦如是又戒諸子無身守宗之道歷舉積
不善之有餘殃者世爲繼人或負已則曰寧人負我勿
我負人見人戚戚於貧富則曰不願大女富不願小小
貧不願人求我不願我求人皆有道之言云

節林次
崖文集

黃軫字伯禽號質菴同安人守真抱朴督僮僕耕種樹藝
晝夜冒風露觸豺虎無畏沮履林麓窮陔谷歷溝澗陂
池井塍不爲勞不數年大致豐裕性儉約布衣蔬食不
事華美安常守分不作非爲賦役以時供外是姓名不
登官籍吏卒追呼鮮踵其門家無外事飢食渴飲夏嘲
松風冬暄榆日呼畜沃林果藿園蔬埋鉢菊興至牽獵
犬逐麀鹿射雉兔也至設供具間飲投壺引白盡醉而
散宗族鄉黨無怨也親戚其惠朋友服其信所謂一鄉

之善士者

節林次
崖文集

莊隱居者齋與安霞會人謹質孝弟事親無違顏色伯兄

早世貶衣損食藝農圃樹松竹夙興晏眠與兄弟均有
無贖先世祭田歲時祭祀必敬謹讀書曉大義喜接儒
生聽其講論灑然忘倦與人交不苟然諾趨其緩急以
事就謀者竭誠告之其不合義者必反復勸諭使知改
鄉人稱爲長者晚年禾稼覆隴松竹成行婆娑自適年

六十七卒子應麟孫以蓋

節小山類稿

張憲字師賢號從吾晉江人同知元璽子少聞父與陳琛
王宣等講易卽能辨難琛等驚曰黃口乃諳宿儒語耶

長隨父國子舍以文雄於北雍邸中吟唔歷寒暑不輟
父遷郡貳歸卒哀毀孺慕檢故麓如洗盆下帷發憤結
社東湖文出魁其曹旣屢躋秋閣則寄情于山隈水涯
杯奕觴諒閑居家樸儉不輕然諾擇地而蹈于人厚施
而薄望事母柔毳甘肫曲中歡必拊弟姪買則資本儒
則給讀季弟旅化歸襚葬之客有遺三十金于道拾而
守塗申尊至還焉其人割數金謝笑曰人遺之人得之
何謝爲卻不受去改築先墳並襄父葬事家益貧怡然

自遷三數郡實不數年九十餘卒

節果

張志騰號植田晉江人幼而儻不凡及兄志選舉進士
折節滋恭性喜振乏周急鳩宗睦族不計有無隆殺
約節分因時三黨有難無不急赴覓三世之荒邱藏族
屬之道骸生平料事成敗與人臧否多奇中與人言無
隱情雖田夫野老樵童牧豎可均體也見人過和顏色
博喻譬而救正之改則獎許之至事關名義篤信固執
不可干及長子爲令請御板與志騰曰善養在志非徒
口體若爲廉吏而翁爲廉吏父何有於五鼎慰諭有加
郡邑延爲大賓偶一廳輒杜門謝之晚益通習諸子百

家言尤善書工詩迨邇自適焉子守爲嘉靖辛酉舉人

令博羅次子燧簿常熟

節張氏家傳

黃時清安溪蔡山人孝友樂義治兄邱及預治邑邱俱傍
祖父壙蔡政莊用寶銘曰率古遺風一真可尚欲父侍
以子祖侍以孫幽明弗開時清孝志也

安溪志

張志立字以禮號蔡山晉江人父文郁生五子志立居長
而弟四人俱蚤逝家徒四壁喟然曰吾不忍父之垂白
內顧憂殮而外傷諸男也乃舍儒就賈積蓄奉甘旨養

繼父志立卒志立亡又念諸男皆嗚呼在疚輟哺身謀

婚以時同甘苦兩羽翼之振困若身轉人之急不避風
雨暑寒族黨有違疑者人相戒莫敢近獨爲親調湯藥
藉得起死回生而疫亦不染里中有措出一語平之皆
解去坦衷白意與物無競記善忘過溫然可親至義所
必遂雖賁育不能奪其介潔恥借暖負膺面急屏扶弱
獨勇爲之未滿下壽卒以孫維樞貴累贈工部左侍郎

節張氏
家傳

莊偁字子詡號奇峯晉江人新會訓安期季子少聰穎日
誦數千言十五歲文出傾儔輩連遭父母喪哀毀得疾

久之業廢延師教子躬程督之念逮養日淺祭祀竭致
精腆傾貲襄父母葬事不以煩二兄仲兄歿諸子皆不
類併日夜扶服求葬地越旬日卽歸土諸姪拱手受成
伯兄歿亦如之宗祠燬於火十餘年率族人協力鼎建
規模一新胸無城府而矜重意氣言色不少假借見不
義者輒呵讓不少徇然諾必踐一飯不忘郡邑長臺察
諸公枉干鹿謝弗見節見不及私以子國禎貴封文林

郎會稽令晉封給事中按察司僉事

節梅
谷集

陳普揚晉江人性資敏達開豁跌宕不羈書過目成誦通

大旨一既冠為諸生不受檢束弗克率於自適意于花
草禽魚杯酒閒座上客常滿皆必取醉無歡氣槩似漢
人趣况似晉人趣親友為難不願其身恤人飢寒疾苦
不願其家而先業日以墜落條暢世務詔音高朗片言
可以排難解紛而無所取通方脉能取奇效活人甚
多談星命於官貧賤成敗榮枯多奇中老益貧困嘗
自言吾生平過失不免而之心公平廉潔修自愛人
不及知而吾獨自知吾後必大一意課子孫讀書子讓

嘉靖壬辰進士為御史贈父如其官

節陳見
吾撰稿

黃繼宗字子述號文竹晉江人孝子禮子幼慧習舉業既長父歿家貧稍治生以奉母有餘則以助族戚之貧困者好讀書毋暇手不釋卷經術及諸子百家能得其大指旁及星歷醫卜堪輿皆淹貫及子貴就養京邸日安澹泊不幾念先人祠墓歸里衣布衣一僧自隨與諸老爲漁一樂會遨遊山水閒慨里中投託惡習嚴扃固拒門可擊雀郡邑三延鄉賓僅一就年六十七卒于鳳翔

氏家

李旦晉江人我才望被府檄署六里陂廉不謀利裕不廢

事疏瀹惟時啓閉必慎高下均沾農民交頌咸稱爲都
陂公郡太守包公屢旌獎之子士絢嘉靖庚子舉人補

白知縣

節永利
功德錄

張堯字廷斌號浴江晉江人少聰穎有文譽稍長受易于
易時中爲文搜元挾障不能偶時調試弗售雅意彝倫
務淳厚一日攜一童子告母曰此族兄某子也日之方
中意者其未餐乎母趣食食之理沐沐之族伯祖爲運
判沒於官其孫盜費帑錢數千緡官捕之急爲代償完
待從兄弟撫愛推財如同胞沒哭之慟甲寅遊武夷錢

塘歷西江東粵一日心動促裝歸三日父病浹旬而沒
得以終事人稱孝感素好堪輿家言窮其家與卜葬父
母皆目營而手畫之督子維巖每課文坐守竟日彙就
叅閱評隲賞工摘誤精且核用克有成子治其治樞孫
允棻改名國祥萬歷己卯舉人任知州

節梅
谷集

丁擇號後吾晉江人幼穎異入塾授冊能旁記他童之誦

里有題詠于壁者摘數難字問之信口讀如流事父母
且盥洗立床下察詞色所欲先意迎之務得其歡田屋
聽兄自擇不敢較趨事必先赴食常後族中議建始祖

祠宇出已費以充楮費之半復捐田數畝充祭墳資外
父張翁病癱迎致于家事之如父綜理家政如斧投錯
如緒理焚鄉族有競者反覆開譬佐以滑稽冷語咸道
然以鯨以貧告者隨力周之至焚所負券不責償年九

十卒以子自申貴封承德郎南京工部主事

節三
陵稿

黃邁字以高號濱溪南安人性孝友事父母執饋烹鮮濯
浣廁踰無倦色母疾祈以身代復窮究素問難經諸方
書而母疾旋愈與兄析箸聽自取兄蓋屋侵址若干尺
絕不問及曰生寄耳不曰難得者兄弟耶兄僅一子早

歿而遺孤呱呱年且耄邁撫其遺孤如已出嘉靖之季
羽檄交馳賦役煩重遺隨兄應役神閑氣定無敲法無
錯轍有郡推郭者移怒於兄罪當笞邁走白身代俱獲
免郡守聞之歎爲難弟居恒儆雅易親朋相遇輒酌
酒曹賓至貧下者更倒屣迎之困急相告撤囊以應有
吳姓歿不能殮爲經紀喪事殯諸客位受賜者其贖楚
好施類此及子餼於庠益肆力交游日與族戚爲逸樂

會唱酬不倦年五十九卒孫鼎象

節清源
居士集

王瑞宇廷楨號易直晉江安平人十二歲父以賈客死吳

中書士其金瑞其兄珍依嫡母生母爲命備嘗艱厄稍
長拾棄後殘賈行吳中以續父業所挾貨最下而和煦
業人謫財有信人愛而任之諸挾厚貴者反不得與齒
喪母盡哀養嫡不殊已出事兄順奉寡嫂有恩禮遇宗
人盡其情於最後傾貲懷珍貨買巨舶浮海自東甌明
州以濟將赴臨安爲邏卒所邀貲盡沒瑞所懷貨皆非
令禁卒爲券勒沒之或勸其白於官瑞曰使吾囚垢以
乞貨不如徇行徒手而行耳且吾年就衰倦遊思返次
子河村以其業吾歸矣抵家三月而病遂卒年六十二

長子宦以諸生爲明經次子寶數年後買大進爲安平

鉅家節王遵

李與仁號角山晉江人任質好義所儲不溢鍾釜而能推

於匱乏所及不臨關而常施於緩急不敢以色詞加

人而諷勸於呵責不肯以機數致人而脆擊固於拘

維鄉間有鬪鬩談笑解之釁隙立消出遊京師江淮吳

越間卒於旅舍年五十八子續嘉靖庚戌進士由戶部

主事歷鴻臚少卿尋陞麟瓊州府同知節王遵

嚴文集

安平人少敏悟過人讀書已熟

久而不忘嘗潛投墨壘受書母慮其窮而勞也禁之遣
人譙讓其師曰而欲殺吾兒耶里中相戒勿受故不得
卒業然好書終不厭史博雜記俾諸小說汎覽多識其
言籠事切物貫以義理爲父兄言慈友爲子弟言孝恭
援古證今聽者悚然皆謂神修義勇壯整飭常入學舍問
子弟業媒褻鈍惰者及走匿軍中曉督勸學祭奠銘誌
諸文詞皆屬陸載筆蓋敏於文也金段士大夫交下之冀
聞其音爲鼓一再自而已解紛解圍不厭強話說而罷
者尤多郡邑長常喜目之爲言孰利當興舉而不言其

身州府志 卷之二十九
不善者太守屠倖激主鄉約陞納檄郡中謂勸誘一鄉
老幼所宜盡心表率極勵則非所任守嘉歎以爲質而

近厚云

節工遵
嚴文集

陳寬字存太號約齋晉江人章應裔孫少喪母二兄相繼
歿力貧奉父撫愛幼弟備嘗艱辛而不夷於市井鬪鄙
及涉事日多識恢智益人以事赴之不以昏夜風雨爲
避解忿戾破謬逃孽情怙服陳氏故里正所轄戶繁猥
強者難馭乏者難輯宗八屬寬持役能使強者不叛乏
者不逃賦集事辦事有急時闕出權數以濟之少讀書

不能多而札牘來往語言反覆具有章采性儻善羣
樽酒之聚得之倍歡而獨心善謹守禮法踐繩抱矩之
行嘉靖丙申丁酉連歲大飢民多殍死寬謁縣發賑自
實轄戶率之詣縣受粟槩量平均餓者得粟皆活卒年
四十鄉人哀之子選嘉靖丙辰進士官知府節王道巖文集
陳尚謙字正夫號澹齋晉江人以孝友名其家事母孝謹
寒煖飲食以志逆爲之節無失所欲少從兄學以父師
事之終其身隨行隅坐聲柔氣下趨兄事在也先親兄
子之疾休在兄後佐兄治嫂與姪之葬勝於自葬其妻

愛姊如兄喪之哀竭其情歲時甥祭其母當期而往歷
久不懈二妹爲士人妻愛其妹夫如兄弟兄生徒數十
人多異才尚謙常以文最其列兄其器之同學咸伏無
譽弟之嫌累試不遇值東宮沛澤賜諸學官弟子高等
屢試不第者冠服欣然受之家居無疾聲雖臧獲不加
阿諛謀於人不隱所長施於人不望其報與人交久敬
不衰才智不如已者益貶損下之於貴顯者漠然無所

求也年六十一卒塋王慎中銘其墓

節工過
嚴文集

頭維材字彥達號鳳江晉江人養浩姪太學生三歲喪母

十五歲父沒于姑執訓導官署維時養就養而後以喪
歸孝慈恭謹服習家法事親父母如父母待從兄弟如
親兄弟諸姑姊甚愷禮周淡伯姊蚤寡育孤甥善病仲
姊垂老喪夫居爲寇焚無歸慘惻閔切他宗族姻戚隨
分推情或有肉媿開喪死大故居間調護之好賓客
不爲町畦人樂與游歸自都下益輻輳數邑畢至各酬
適極意去而約飾成禮不及亂折簡慕爲學於秦漢盛
唐諸家言以逮秦周技藝神官小說咸究大要手傳寸
疏尺牘寂寥春容翩翩有致嗚其詩大率皆真境也與

顧廷傑黃克晦磨仰庇諸公結社酬唱分韻角賦意氣
投洽喜義樂施黃貸之家視若困廩有貧者持券來貸
如初或竟徒手巧可博嘉靖末寇亂田租不入縣官往
狂勸分出粟及他征做倉卒取辦無材越公事先於謀
家坐是囊篋空乏綴緝補苴而氣誼不少哀有以急赴
者自持券稱貸於人以濟之年四十一卒臨哭者數百

人節梅
谷集

馮璟字子重號璧峯晉江人恭謹質直少習舉業解大意
父病痿不遠數百里迎醫購藥數載不懈甲辰乙巳歲

游凶殍者枕藉父母及妻相繼歿力辦喪事乃棄學
理家務庚癸時呼茹苦含辛內給朝夕外延師課子篝
燈設程躬督焉及子成進士令吉水歸謁庭詔之曰而
其爲廉吏以而父爲廉吏父不爾吾不爾子也爲封翁
十八年儉素如昔子嘗致一二華服一再御輒笥之所
得爲繡命服亦不數御出入一僮自隨遇人款款立語
訖而讓左郡邑長枉干旄謝弗見延以大賓辭焉里中
有蔡虛齋地一區有欲爲規得者作色曰名賢舊蹟也
吾最則足子同安有執譜牒稱蘇頌齋謂璟亦同齋請

得通譜以千金爲壽壽曰俟吾詳焉禮而遣之念逮事
二親日淺祭祀豐腆傾貲葬親不煩諸弟姪季弟歿諸
子欲治棺倉卒未得以已備用之木畀之母鍾愛季子
婚娶分財多傷感幾微見色教子孫行坐唯諾具有法
度聞人不義輒不與有德於己一飯必報有約於人然
諾必踐雅不好言自負善降祥作不善降殃如二氏
之說則閻王可賄進耶年七十九卒于土澗士潛孫茂

相茂杓

節梅
谷集

康貞字致明惠安人少孤祖母耄病事之至孝寢食幾廢

與人無競鄉里有爭者平心解之及子貴受封當事式
廬毫無私干有武弁陷大辟行金求解力辭之布衣藿
食貽子書惟以忠君愛民爲拳拳子爲司寇治勛貴獄
禍且叵測僉憲兩浙復忤權貴意聞之喜曰是吾志也
既沒邑令哭以文曰居家以禮處鄉以和相見以公有
萬石彥方之遺焉子朗朔

憲安志

劉恭字大受號鐵山同安人義士雄曾孫少孤奉母王氏
以居諸父叵測利其業謀殄之恭幼卽多智遵母教潛
形謹跡不踐禍機昏夜出入自防飲食心動輒不茹諸

父知不可殄則漁奪其產耗之雄泣謂母曰他日兒能
自有之勿與爭既長娶于葉奉母僑居以避難自力于
熒燾艱躋中忍閔耐侮與人同勞逸甘苦遇寒飢推共
衣食赴人緩急風雨疾病期至不爽晷刻人多願効死
力色溫詞摯論事多中善灼人隱而樂善諱過所譏獎
人用勸阻鄉人有攜者多解去既漸致富御財有義多
縱弛以賑貧窮惡菲服食不適於驕伏莫有怨妬者其
後諸父以凶終諸孤淪落存者蕭然恭復撫卹之爲時
婚嫁營貲產人咸難之俗俠武鬪訟恭獨延名師謀子

鳳示里中子存梅爲御史疏請廢議無後人異同事傳
至家謂嗣且不測恭抗聲曰主聖臣直何憂卒不害及
子爲松江守遣與卒迎養人謂地多珍物民吏善事長
官宜往饜享恭曰使吾至郡邸且閉門杜徑民吏何由
見面且吾在家顧不饜享耶與卒空還惟貽書勉以守
官愛人而已年六十九卒

節王禮
巖文集

許鍾會同安人淳誠古朴課子讀書終身不入城邑子廷
用舉進士官南部人莫知爲貴人父也年八十以恩例

受冠帶邑令累延賓客不赴至八十八終

閩書參
同安志

黃穎字文秀號鍾愛晉江安平人二歲而孤母張與兄翼
之成兄質遊郡國穎挺身佐之質漸羸稍分其橐聽自
爲買而穎性儉若從俠少年放浪佳山水一杯勺肝膽
盡傾有假貸如意周之不復質券莊事二母三兄孝友
篤摯遂巡中禮卽受譙阿靡慍色其後繼母生母暨異
母兄相繼殞暴暴摧毀先後如 仲兄患狂疾所捐擲
旁出不貨人謂母弟一貧至是 以推自爲計徒供他族
外府穎曰徹天之靈倘不垂困吾見奈何忍有他覲叔
兄瘦嫂氏慶康讀別版田若干歲元天宗龍則蔡與其

嗣傳極意將順卒成義舉晚產益落因益甚卒年三十
九子錫嘉靖甲子舉人鄧州牧遷淮府左長史

張賜字元良晉江人生而警敏未就傳輒挾冊指問何字
入塾十八日孝經成誦以家貧落負未從父耕父憐之
令持數金走城中依中表爲積著中表諸生也暇則從
授書多通文義中表愛其誠信子視之爲娶妻畱家郡
城其後中表門祚衰爲持其家不遺餘力每月數走洛
陽定省供甘旨得二人懽友愛仲弟惟恐傷之襄大事
及奔走徭賦以身獨肩不煩仲弟撫一女弟有恩性好

施與以急告者傾囊賑之客至必留飲懽醉而去自奉
未嘗肉食一布袍三十年課子繼勤既受廩學舍常以
束修進則召所交遊者飲食之子與同志授簡著經義
手持粟餌遍勞之子問仁萬歷丁丑進士戶部主事以

覃恩贈父如其官

節節
谷集

林煥字士奇安溪人十九爲諸生踰冠籤於庠幼有至性
孝弟無缺以文行馳譽寰序鄉黨開年三十而卒御史
陳讓銘其墓妻陳氏苦節立孤子思誠爲諸生思敬益

仁壽具善見吾

陳賓號少軒晉江人父佐正德癸酉舉人應海康荔濶二
令有廉聲賓少穎慧父憐其弱而多病戒勿苦學而障
燈下帷默誦不輟稍長益博覽經史爲文雄深雋永脫
去塵俗邑令試第一直指觀風得其文曰天才曠濶閩
士無二及爲諸生嘗學合試八閩士限辰入午出頃刻
數篇立就一論纒纒數千言含咀史漢驚曰風簷寸晷
中有此異才耶居父喪哀毀骨立三年不入內室母歿
躬負墳土攀樹悲號時倭寇充斥親友負橐擔箱集寄
其家旣而寄者多死兵疫妻子兄弟不盡知皆呼而還

之其流離失所者復賑其飢餓救其疾疫全活甚衆父有門人令南安每入郡必造謁固匿不見終其任無所干及子爲湖州守以均田獲罪當貶貽書曰均田惠政也苟利小民得罪巨室何傷以子亮采貴贈如其官所著有綱目醉評集

陳謀號朋松晉江人承父教治龍經得溫柔敦厚之旨溫良篤摯寡言慎動不忤於物族黨稱其孝弟爲諸生屢試棘闈不利賚志以卒弟讓爲銘其墓

見吾選稿

李日新晉江竹樹鄉人嘉靖閒諸生倭亂被擄寇索贖甚

急緩則殺之日新傾家贖回其餘同被擄數十人皆自
分待死日新臨行爲具陳諸人窮苦狀至於涕泣賊帥
見其誠悉放歸後生子寘之佳皆登科爲縣令

近時
新案

曾素菴逸其名南安人少孤而貧母傅氏艱貞守之淬厲
勤儉披風荷月茹蔬服敝墾荒蕪力穡樹藝樹則喬實
禾則有秋佃漁則獲棄取皆逢會事母盡孝先意承志
得其歡旣而居積稍贏推有贍無假貸不吝窮者周之
歿者櫛之修洛陽橋捐貲數百金無難色方壯時遇橫
逆必校曲直及家饒子長則退然謙遜視之若懦夫卒

亦少有傳之者母年八十餘卒老兒哀慕慈母幾不勝
喪葬祭以禮人謂傅氏苦節之報卒年六十

見吾
選稿

楊希憲字思狷號雙泉晉江人德府左史孟洪子宅聯通
衡閉門寡處一榻偃仰旁無侍者孝事繼母篤愛異母
弟平居不肉食一布袍十餘年非敝不改至養諸子游
學交聘之費及賓客祭享未嘗不豐好義急困時有捐
予無顧吝晚營楓山別業以俟父歸繕構整而不屬庭
內事無巨纖皆出意畫錫鉢不漏性豪爽敏辯遇衆人
方諱一脫口而諱者驟息其善過機祭莫能易也年六

十四卒王慎中爲之銘

節王遵巖文集

蔡應胄字世儲號槐陽晉江人幼失母甫成童而父殞與繼母相依郡方中倭家燬焉應胄攻苦力學授徒養母曲當其歡視異母弟妹如同胞歲時享食愛慤交致外祖父母外父母俱乏嗣設主祀之與人交坦直和易獎善掩過物論歸焉自奉儉樸子旣貴得受封不改其素年八十八卒子立愛立敬

蔡氏世紀

張守則號見虛晉江人倜儻有俠氣十三歲而孤與弟守化事母盡孝攻舉業不就棄去爲郡功曹不藉以牟利

里中忿爭得其片言輒解途遇族人疫疾探藥一投立甦復資金餽之事叔母若母存恤其孤至爲推衣讓口辛酉倭寇熾陷賊中索贖賴弟守化併命資金得偕還亡何復得羸疾湯藥皆守化親調易簣時握弟手泣曰生不能報仲誓報於九原次年守化舉次子維機推爲之後以覃恩贈翰林院檢討如機官

節張氏家傳

陳啓文字質儀晉江安平人少畧涉書知大義父有遺田二弟議析之則使之選其善田而已取其荒瘠力脩本業甫一年而荒者墾瘠者肥量入而出久之有餘以其

餘黃附宗人懇遷自是漸裕則既然曰善身所自出祖也身所由分族祖子孫也敬祖莫若豐祀愛族姓莫若教學乃自置祀田塾田各若干畝曰吾以上揚敬惠而下開詩書之澤其心盡於此田矣友二弟始終無閒言事二姊老而彌篤歲屢迎至其家進飲食以娛之每迎必數日浹月而復返曰無幾相見也見鄉人恂恂謹幅不敢以色貌侮人與少賤均禮加誥焉蓋鄉里之朴實

善人云

節王遵巖文集

蔣繼勳字廷奕號赤山其先壽州人爲福全所千戶因家

焉遂爲晉江人十歲喪父年十八去儒業習計然筭竭
力以養祖父及母篤愛其弟所貽田宅必豐而自取磽
确撫諸從子若已出宗子某素不慧致扞文網幾墜祖
職出數百緡糾族人營解之職以不墜于城南拓故居
所餘貲祭祀饗飧外悉推賑鄉人待以舉火者五百餘
家接人無少長貴賤必肅衣冠遇搆爭爲排解輒釋晚
以家政付其弟構軒嘯傲嫻於文學發爲詩脩遠有致
叅政王慎中擊節稱之孫光彥光源俱進士

節雲臺
藏稿

張守節號和齋晉江人妻友雍時有譽於鄉少攻舉業

堪蕭然乃授徒以自給醇古樸直無崖岸不爲機心機
事亦不能危詞甘態以悅人有犯者輒置弗校惟以課
子爲兢兢及子成進士節嗇如平時往長沙署戒子無
濫鞭杖無輕予人重比子讞獄平反皆稟其教途有餽
者引陶士行母卻鮮事摩之其狷潔如此以子維堯貴

封長沙府推官

節張氏
家傳

李貞字擇甫號泮泉晉江人主事仁弟力學不售隨兄之
官兄卒于京閒闕扶輓歸樵其孤百十指同居共爨接
人質直慈祥遇疾病殷勤授方書藥物宗有健僕憑主

寵詔宗婦曳而撻之衢衆憤聞官其主擁衛之貞銳身
出白卒得直工尺牘時時爲兄屬草游燕齊吳粵多吟
詠自經籍子史以逮裨官小說青囊青烏家言漁獵幾
遍時吐一二人稍窺其胸中武庫課子若姪篝燈佐讀
稍訛則加呵譴晚猶作蠅頭小楷筆力迺然年八十九
卒子光綬節雲臺
藏葉

江秀卿字惟人號芹山惠安人四歲而孤質聰穎寓日成
誦祖鍾愛之事節母孝問寢視膳出告反面率爲常祖
沒遵叔父訓誨如嚴父矢筆封皇纒纒千言弱冠爲諸

生誠高家世素饒仲叔父好行其德遇聞人多傾
蓋把臂車馬盈門秀卿偕叔父倒屣無倦姊適主事李
仁裝送千金恣節母意不問多寡叔父偶患必長跪謝
罪或因節母族長請解乃已叔父既舉子視如同胞郡
邑疏其母節子孝狀督學給額旌之嘉靖之季奉節母
避賊郡城自擁蒼頭數十輩守故宅賊猝至倉皇入廟
中懷諸先神主人疑爲金銀寶器已知爲神主也竊笑
之而識者愈難其孝賊退迎母歸母旋病迎醫嘗藥夜
曉不交比屬纊哀毀逾常水漿數日不入口喪葬一準

夏少月三
家禮族有義舉里有公役捐金爲助窮者急之阨者解
之厚施薄望羞伐其德平人之憤解紛息鬪片語罕譬
兩憾冰融延師課子修脯豐腆終身未嘗以慳嗇失禮
於人晚經兵燹後囊橐蕭然非糲自甘華路再啓漸復
舊物乃謝弟子員援例授訓導職邑令延致鄉賓年六

十六卒

景璧集

莊一道字君用號榕厓晉江人一俊兄父貲故薄一俊出
就學而課督臧獲強本力畜家務一切倚辦於一道父
色喜稱其克家一俊不分心家計學洽聞起致顯厲皆

一道方也性剛直不能容人過然卒無他腸人咸諒之
里社有公舉輒推一道首事曰君今之廉孺子也及弟
郎吏部一道未嘗倚勢作氣亭質斷割用資殖爲富厚
計弟爲藩叅歸課子孫多世其業一道亦闢館延師督
諸子力學長子遂哀然與羣從頡頏諸生閒與弟相得
甚驩晚友愛益篤未幾疾革一俊不以疫避奔視之反
屬纊詰朝日未瞑一俊厲聲曰有弟在兄可無憂後事
矣遂瞑一俊斂之如禮爲交痛哭哀動路人焉

節梅
谷集

陳邁質號同泰先世自漳南山徙同安嘉禾坐族解戶株

累遷長泰繼復還同故有同泰之號六歲而孤依祖姑
適吳者久之吳意怠卽自僦居負薪樵採貿易以供母
仰取俯拾家稍起及娶妻虞氏與約曰若謹事姑吾出
營甘毳資行無後憂居無闕事於是北走閩清南走廣
湖率移月始歸歸而洗腆奉母極歡母歿盡哀盡禮葬
之長泰北關旣而不忘其祖仍還居同邑巖宮旁與嘉
禾一湖汐隔耳宗人以事赴邑曰於我館有貧者曰於
我資不取息貧者輒焚其券來就試者益厚待之置田
若干畝以充先祀族有祭田自茲始生子五人而孫亦

露穎延師課督修脯有加邑令趙學仕子冠帶賓之曰
老農安能從大夫遊辭不赴與妻虞氏皆年近九十而
卒猶及見其子孫登科云四子台衡萬歷丁酉舉人孫
一經萬歷壬午第四名經元俱以長泰學中式

節遜菴全集

王陽良字尊弼號東軒晉江人在孕四月而父歿母遺腹
生陽良無何有奪母志者母亦旋歿依于三叔父母不
絕如綫旣冠受室克自奮勵見祖居巖隘歎曰丈夫自
爲計何事株守先人樞戶因闢地建屋左攝華表右眺
靈源意若有待如所云高大門閭者代叔父肩償籍之

後同役者多出入飛詭爲姦利賜良矢天自盟所不覈
而質于籍者後不昌性坦蕩無城府好賓客客至呼酒
傾倒肝膈族黨有忿爭者杯酒解之有勾貨隨多寡與
之不爲各自是家益落課諸子耕讀不稍懈戊午泉中
倭寇姻戚黃氏以百金之珥相屬猝遇寇冒死持珥投
之井幾及禍寇退亟呼黃取去感泣願以半謝亟拒之
念父未葬乃嚮遺田數畝購吉兆且曰他日吾且耐守
之及葬號痛哀毀觀者咸謂王氏遺腹子能孝其葬父
也迎嫁母吳氏合窆又慮異日諸子薄而祧之則合父

母爲一主耐于廟既而屋燬于寇欣然曰先人骸骨幸
得歸土兒曹尚能爲君頃之兵燹益熾疫癘大行父子
相依爲命迨撫定室如懸罄則又喜曰某氏某氏皆化
爲烏有吾骨肉幸無恙庸憂貧耶及子成進士出爲令
迎養不就惟勗以潔已愛民郡邑長延大賓辭不赴子

三陽孫寅揆

節榜
合集

莊廷璉字器之號玉泉晉江人爲諸生值兵燹時賦役繁
重百凡誅求悉身肩之不累兄弟而詩書之業半奪於
塵勞輟掌閒課子讀書務期有成及子入庠卽謝博士

籍素豪飲客至必雷雷必醉醉後高歌值倭寇祖墳被
劫索贖其僕添餘乘閒負屍歸廷璉倡義捐田以酬之
小宗祠焚於寇倡首鳩工重新焉族有不平事每公正
發憤抑強扶弱其遇事不阿類如此

節霞樓
藏藁

徐以嚴字惟可號未涯晉江人教授孟之子少有才名弱
冠爲諸生與史觀吾傅錦泉等爲文會社時稱才雋性
篤摯孝謹敬事諸父尤不少懈從叔某病瘦家人皆遠

避以嚴躬治湯粥書夜服事瘦不能染叔賴以安年三
十七應貢入京廷試第四人未授官卒京兆尹王用汲

爲之傳

邱維棻字彥肅號嚴堂晉江人中丞養浩子爲諸生長出
爲叔養澄後性沈默六歲居養浩喪哀毀如成人事母
盡孝少就外侍歸讀至丙夜母黃憐之謂孺子且休後
乃障燈默誦不令母知長游郡校愈自刻勵父多藏書
下帷幃閱證彙今古爲文沈鬱雄勁咸軌古法卓行好
修以先民自期許常薄美多交道學名者日學顧躬行
何如耳年三十餘輒屏巾衿謝有司辟課子姪讀書時
引先德提誨之曰若輩倘踰繩檢外錯寸趾卽以科第

顯吾弗願也精研朱子家禮若冠若射俗久廢弗講獨撮其要義肆其儀節爲士倡開一舉行秩然卒度襄嗣父母喪葬盡禮推嗣母愛割口四十畝供外祖蒸嘗事庶母如母伯兄爲寇掠要贖與從兄維材皇賊號泣傾貲贖歸比二兄繼歿諸子女纍纍悉心拊育畢諸孤婚嫁獨持三戶拮据卒瘞供祭祀庀祠墓務極豐贍而於生父祠尤敬轟壯麗甚至典貸鬻房屋以佐費課諸子循循謹飭每至鄉中社會維拭在則諸俠少好褻謔者踴躍終席其以莊見憚如此平生喜誦說人善有穠人

過失者聖塞兩耳如弗聞年五十卒臨歿惟誦言行要語好樣與兒孫心術不可得罪於天地郡中自縉紳遠章縫無不交口哀悼之以爲芝靡玉毀天不可問云

李女

節集參
早梅谷集

李宗禹晉江人大學士廷機父也蚤歲受書以病廢逐什一事父母至孝居喪盡哀爲人莊肅訓子必嚴於行立唯諾飲食七箸之間少不如禮輒譙讓不少恕居嘗撮小學中格言揭諸壁以訓曰爲人當如是方廷機少就傅夜歸宗禹輒與俱讀不命之寢不敢寢後以子廷機

貴贈如其官季子廷柱

張守質字可質號念菴晉江人少警慧十歲授經章句外
頓悟微言長爲邑諸生益兼功自勵事母維謹昧爽而
朝三上食惟所欲必多且旨疾痛疴癢敬抑搔之出入
先後敬扶持之病則以身禱祝既卒呼號擗踊幾不欲
生與鄉人處無貴賤賢愚皆加恩禮非義相干勃然面
赤好振人急視歲豐殺爲差屢困棘闈喟然曰貴賤命
也窮達時也安能俛首含毫希不可冀之物茂遂棄去
築別業于郊林暇集老友命鶴據梧賦詩自娛終其身

家傳

楊敦默字以箴號陸泉晉江人初治戴記聲藉藉郡中郡
司理葉公及郡守蒲公僉公皆器重之迨子貴得封猶
茹素曰受享有分暴殄非所宜也郡邑大夫自公禮外
無刺謁里中人有違言爭樂得爲居閒然不可溷也醫
藥星卜堪輿無所不曉顧獨無所信謂延生有道草木
之滋幾何命渺茫不可識世所稱八字非命也堪輿取
溫燥藏體魄而已安有可以福利其後人其卓見如此
以子道會貴贈湖廣右布政

洪庭芳字德勇號英匡南安人移居晉江喪母哀毀事繼母以孝聞受易於母舅林潮得蔡清之傳爲諸生餼干庠聲籍學宮以歲貢授蘇州訓導俗士習倨傲至則繩獲約束之士逡巡顧化習爲不變不數月丁父艱訃聞哀痛骨立部使者檄長吳二邑令佐其歸資適令他出或挽以稍需庭芳潛然曰方摧隕且不有生遑恤其他徒跣奔百里而後頓舍凡三舍而後追者及之抵苦次倚廬孺慕服除不復出以根本行誼訓子孫或有過不譙讓惟色嚴不自憚戚悚然內咎不自容居恒和易無

町畦遇身正則侃侃昌言族有爭繼者傾貲相勸
芳正色曰以序則某當後語出莫能易而爭解功弟某
被誣縱盜據理爲辨羣謀遂沮郡邑屢延鄉賓辭不獲
閒一應之年八十三卒孫啓采

節楊文恪文集

洪侃字汝感號南渠南安英山人父旻貧鬻侃於蔡侃雖
少心知之所以事蔡翁媪惟謹歿祭葬如禮而後行求
其故處君其骸造塚以答父母故老見之莫不感涕侃雖
歸洪而在蔡之門如故其爲人慎取予重然諾所交游
皆豪士郡中顧司徒珀旣沒其子被誣殺人曰吾安得

洪公一言侃聞語所知曰司徒公爲德於鄉今歿其子
被誣我輩自覩冤狀官有問當力解竟解司徒子司徒
子挾金爲謝驚卻之郡守熊公用明察爲治屬隸偵市
中陰事其最用事者藉而漁奪人隸之黨攫金誣之
以博侃馮隸所數之隸驚不敢爲左袒卽執攫金者聞
守捶殺之泉飢爲粥食餓者里中有寇執侃侃噱笑而
歌寇大駭而里中子先爲寇執者乃爲侃請命寇驚曰
不自求生乃爲此人此人異人耶釋之有友人歿貧不
能葬爲之穿塚竟勞頓病卒遣命勿治浮屠其見大義

如此

蔡橋字宗達以字行號眉山同安人少習舉業弗利退率
僮指耕坐沙中與父老談桑麻不知人世軒冕爲何物
庚申倭寇發時父樞在堂夜焚香祝天願減十年早膳
保父樞及賊平樞完卻朝食竟父葬性坦中慚恒不言
人是非然鄉子弟不善者俱戒勿使知鄰有鬪牆有鬪
得其片言立解邑令金枝延爲大賓辭不獲航海應之
尋以年高恩授冠帶年八十三卒從孫獻臣銘其墓

白堂

稿

明篤行三

林可棟

柯元登

康朔

鄭東陽

楊真

丁炳

蘇士潛

洪有臨

黃思遠

莊龍光

林尚新

林益萌

洪庭秀

楊宗敘

楊喬

林湍

柯奇卿

黃回青

杜思夔

陳希銓

丁健全

易欽

黃堪

洪俊

何浚

丁日造

張文

黃時清

傅安鉅

李重燧

黃鷺

李璋

池浴雲

陳舜道

邱堯熙

黃澄

何居憲

莊淦

劉箴

黃潮

陳俊

陳潔

歐陽棉

劉夢龍

王三錫

劉紹豸

陳徹

許于國

鄭士新

鄭邦佳

潘維城

史繼偉

葉震陽

柯揚

楊陽春

涂俊

李廷柱

傅履纘

柯毓高

莊以藎

黃鳳翊

林應麟

楊道寬

林牧

邱良箴

周仕慶

呂誠源

林可棟同安人嘉靖甲午舉人歷沔陽知州太平府同知

伊府左長史傅德置田以均族人晚舉鄉賓

同安

柯元登字思善南安人溫州教授信之子少聰穎與兄元應並爲父所器既元應獲售而元登數奇途絕意進取怡然自適朝夕惟手一經杜門課子而已爲人忠厚淳樸與物無忤人以此多之以子有斐貴贈戶部郎中孫

鳳偉崇禎癸酉舉人廷偉安溪教諭

南安志

康朔字用復惠安人朗弟勵志好學督學田汝成試其形勢策奇之曰此子足跡殆遍天下乎嘗自銘座右曰中庸五弗措之訓可以爲學會子三自省之旨可以立身

孟氏三自反之論可以居鄉嘉靖癸卯領鄉舉時兄
僉浙憲邑子奉幣請闕說朔署其屏曰斷手不操官府
之筆去舌不詰好詭之譚已兄闕府鄭陽借途入楚所
屬吏餽遺槩不受居家布衣藜食絕意仕進以例遙授
都察院都事致仕朔居喪水漿三日不入口哀毀骨立
三年不入內舍遇祖父母父母諱辰齋素三日哭泣哀
慕婚冠一衣一冠必依家禮屢延鄉賓不就邑令扁其
廬曰聖世逸民年七十七卒病篤時聞冢婦歿曰豈可
以不任廢服加衣冠身首乃絕子士迪鄉貢爲無錫丞

合浦有士行

關書彙
惠安志

鄭東陽字世光號泥山晉江人九歲而孤事母盡孝母病
癯躬自洗拭衣不解帶喪三年不饌酒肉老猶孺泣少
爲叔父鏜所撫成鏜被難當成以子屬之東陽詣官乞
代成曰某身叔之所留也今以身報叔死不恨更被杖
楚不得請相持泣受孤及囑見者兩淚叔歿持服三年
潛然拊堂弟良璧曰嗟乎子若弟孤似也今以子身屬
子猶昔以子身屬而父良璧自婚冠至起家墮行隅坐
出入必告食猶共釜有司表之曰義門二寡姊貧乏嗣

迎養之家如事母勅諸婦曰姑來相依少不敬謹彼食
不下咽矣姊病漬手滌其衣不令侍者嘔惡歿大哭或
慙之曰若老矣東陽曰吾正痛其以老弟而爲子也甥
陳選幼孤酷貧無依躬養而課之讀畢婚授餐及成進
士始分宅去良璧未成名時東陽以布衣六薦賓席郡
守熊汝達尤重之臨去相攜泣且爲文送之其畧謂布
衣幅巾登太守之堂爲一郡之望非賢者其能若是耶
歸爲我以孝弟忠信諭一方民及歿里市巷哭弔者填

閭弟良璧亦爲持三年服

節克著
堂文集

揚直同安人林希元蒙師也嘉靖丙午丁酉歲漳泉大饑
當路賑粥真獨不赴闔家餓死者七人

書闕

丁炳字中耿號佃齋晉江人讀書畧涉大意獨好爲詩其
作字方整端重一時稱賞天性孝弟處心光明視族人
如身鄉人如家周困恤賈扶弱抑強盡力爲之力所不
能爲者歉然如有負也族弟自申嘗檢其筒中手筆有
謂某日偶失一言悔之終夕不寐某日某人告乏時未
能應爲之當食減餐蓋念念自省志在濟人利物云至
若代兄以自戍籍服役于官在家積穀不問多寡悉以

鎖鑰授兄子其臨利患見義有足多者行至洪塘暴卒
其家養馬馮鳴而斃屋後大木無風自拔不四日訃至
人咸驚異

節三
陵稿

蘇士潛字惟思號仲齋晉江人副使士潤弟爲諸生屢試
前茅五躓棘闈而子茂相登第遂謝制舉業專務植德
教子孫茂相數歷中外屢迎養皆不就曰無以老人損
官餉分在公忱屢貽書戒之子推溥關則戒曰賊地也
能先判斷此關而遠到始基矣守彰德戒曰振寇雪滯
爲親民官一日須積一日陰德撫兩浙又戒曰天子界

茲重地厥惟艱哉必無濫漁一物無輕榜一人使四封
教寧吾養食勝於八簋矣幼有至性四歲喪母哀哭如
成人事父及繼母俱盡孝族戚不能婚嫁者分貲助之
中表何二郎歿五柩在堂友人顧茂才夫婦繼殞皆力
爲收恤買地葬之歲暇倡縉紳出穀千餘石以賑貧自
奉則布衣脫粟而已爲人嚴毅莊重律身以禮口無媒
言戒子孫不得蹈輓近儂薄習少佚輒譙呵隨之季子
茂杓戊午舉于鄉誨之曰而伯前戊午舉第三王遵巖
稱其績學不忝科名孺子何知步前人武其益修身力

學毋以弋獲驕人後以茂相貴封中憲大夫都察院僉

都御史年八十一卒

閩書叅雲臺藏藁

洪有臨字楹貞號少心南安人居晉江有復弟爲諸生試
屢異等直指雲屏胡公指其文曰披腹琅玕其南國人
士之翹楚乎梓以爲式有臨益自奮復日夜程督之
從伯兄丙夜吾伊期無負父志用是刻勵寢瘵年二十
六而卒有臨性孝友事父伺意偵色自稚齡卽當父心
九歲喪母哀毀如成人奉伯兄愛敬備至兄嘗病嗽躬
爲摩搔視藥維謹兄寢乃退未就食不啜嘉靖辛壬間

身州月記 卷之五十九
兵疫相繼捐壺食藥餌全活之亡者給楮知交困阨傾囊濟之不足繼以稱貸其仁著於物如此子啓聰萬歷

甲辰進士戶部主事

節雲臺
藏彙

黃思遠字子敏號凌峯南安人瓊州守瓚子叅政思近弟爲諸生有文聲兄上春官與偕行游國子舍辛酉應順

天試不售及壬戌兄成進士乃歸侍父母兄令宜春奉

母就養甲子就試應天復不利自是絕意科舉事父孝

養備至父善詞賦飲酒浩歌座客常滿思遠先意承志

咄嗟立辦復營別野于石崎之村間奉父與二三墨客

騷人曉遊嘯詠與兄弟分產推讓山庄甘自受確等法
石里社有功德及人年四十六卒法石人塑其像于法
石宮臺左祀之春秋伏臘村老走致牲醴不廢

節景
壁集

莊龍光字自昭號明齋晉江人用賓家孫甫四歲父歿少
負穎質九歲能屬文弱冠補弟子員嗣是祖父母繼歿
龍光以嫡家持服不與棘試者十年時以積毀故遂得
疾病良已猶理故業歿時年三十有四龍光篤有至性
內行修飭母病忘食飲非子手調進不御日侍匕箸間
閒以文事出必歸上食食已復赴日數還往以爲常母

不喜服藥籲天頌禱宛轉進之如是者五年母賴以坐
起比母歿事二叔父甚恭所有遺田悉推與之自少師
洪文振先生經術之外尤以行誼相慕合遇友人困厄
縱身救之乏者不待告賑之王生爲舞文吏所陷竟得
直有司而金生妻子恒待以舉火龍光死交友無不雪
涕者而文振先生與金生各爲之服視小功此以知其

義矣子二夢岳更名際昌重岳

節雲臺
藏葉

林尚新字特起號鼎峯晉江人性之子篤志學問自號矮
省子懷畏子兄一新仕在外常推父兄睦族之愛拊育

族人父舊有恤族義田田所不贖尚新別爲區處凡衣
食營葬及流徙失所者皆爲籌畫至修葺祠廟身當其
勞嘉靖之季寇警挈家避城而身守先人廬倡其鄉人
築堡禦寇平生與人處有終始自奉蔬食布衣而已嘗
曰人生有姻戚之愛鄉鄰之好朋友之交皆與吾身接
也忽漫不親切是自輕其身弱冠隸文學諸生年未五
十棄之郡太守驚曰此非茂才異等耶因勉之不可強
爲鄉里修隄濬淤俾無失業沒而鄉人悲號作誄誄之
敘其孝友恭讓之行謂之曰君子

林益萌晉江諸生也鞠躬淳行處鄉閭恂恂誨誘鄉人愛
之後以子工部侍郎欲履貴贈如其官

書

洪庭秀字德鍾號勿齋晉江人爲諸生試輒高等以眼疾
不能卒業時諸昆皆宦於外乃獨綜理家務犁然中窳
父歿哀毀如孺子課子讀書脯幣必腆延英俊結文會
一切玩好奢靡之事不使交耳目爲人遠邈冲抑有萬
石氏家風聞人困阨徬徨嗟歎隨分拯給宗黨翁然畢
年所習書史每默誦輒數行下或詰難講解若出自腹
笥卽朝夕捧誦者謝不如子爲南昌同知庭秀喜曰今

當途我壯遊願覩落霞孤鶩齊飛景象驅車至一登眺
後不復出邑令屢延鄉賓僅一應未幾卒年七十三子
有聲萬歷甲戌進士工部郎中

楊宗敘字由典號一溪晉江人幼警敏與弟寶應令宗秩
稱雙駒以貧輟儒業爲貿遷計貲稍集力供二人甘旨
營祖父母葬事弟數上公車資斧皆取給貲爲稍損旣
遷縣令未上卒粵邸宗敘跋涉閒關扶柩歸買田建屋
安其孤析已田與季弟宗尹均分之性坦夷而善擘畫
族屬有事胥待決晚習岐黃術急病樂施雖風雨徒步

從之所全活甚衆無德色三延鄉賓不就子啓新孫載
夢更名瞿喙

楊喬字本度號西衢晉江安平人十歲通經史大義旁及
稗官小說堪輿養生家言業幾就會父及伯兄繼歿仲
兄邁宿疾不任治生乃輟儒之賈吳越齊魯足跡殆遍
均所贏於弟姪而獨處其瘠事母甘寤必備治先祠割
囊中裝撫外氏有恩母妻之母各生養死殯無憾辛壬
兵疫交作飢者糜瘞者藥全活千計邑令盧仲佃建安
平城遴喬董其事相地度功錙銖不爽未俠券而城成

島夷突薄城下喬登陣冒矢石爲丁壯先治饋餉以食
守者守益堅雉堞無害年四十八卒里中奔號涕泣咸
謂百身願贖云節千頃齋集

林湍字其東號潑川同安亨泥人生十月而孤與母及女
兄適呂者相依爲命幼警敏有至性孝事母而敬兄姊
姊嘗割其脯下租弗禁已而復取租里鄰甚湍止之曰
是粟林而歸呂何也湍曰女兄也卒無所問母疾朝夕
侍沒以已分地營葬父所遺業二兄獨多取湍聽之急
人若身有謁必竭其情以和讓睦族黨皆敬而愛之女

適諸生陳墀墀沒翼寡女以立二孤內弟幼撫而成之
中年家稍落躬耕自給僮僕誼濱海爲獸窟骨肉或相
失湍盡室先之山林海島中得無害疫癘盛行其家獨
免人謂德報及子舉進士爲南京部郎往覲之勗以忠
孝毋負其官會覃恩得封奉政大夫子一材隆慶辛未

進士累官叅政

節選卷
全集

柯奇卿字特季號螯橋晉江安平人爲郡諸生有交名兄
實卿爲池州守歸爲鄉人所齟齬奇卿亦因是坐累削
籍實卿議城安平奇卿實佐其畫復部署族人爲捍禦

計比倭至率以登陴兼治康以哺保者與眾共守城以
以完後倭復至野剽無所得則發塚貴贖乃冒死從閒
道以父柩歸已復與母更葬費悉已出不及諸兄子實
鄉之沒以建城採木爲兇徒所成事極寃酷奇卿徒跣
控訴兩臺累歲傾貲殆盡不爲輟兇人卒伏辜蘇濬微
時負笈安平奇卿讀其文見其人而奇之以女女焉竟
以解元登第成大儒奇卿醇樸公平以年德爲鄉祭酒
族人咸遵約束伏臘踐更具有程度里有大繇役亦胥
聽命爲劑量名得其平晚鑿小池蓋茅亭數椽日與老

宿徜徉其間曰吾閱歷倦矣今且休矣年六十九卒

簡河

集

黃回青字以新號梅山晉江安平人爲諸生有文名父仰
遭薊寇繫圜土十年回青亦坐累落籍茶茗備嘗值倭
亂父自獄中上書請討賊死難贈官回青襲冠帶州同
知是時賊勢熾陵安平城草創雉堞樓櫓器械無一足
恃衆議欲棄去回青獨與伯父伯善經營守禦部勒義
勇子弟晝夜登陣身親矢石多具糗醪以餉入保者有
惡少謀翻城應賊偵知其狀白伯善借鎮弁格捕示賊

賊氣沮解去城賴以完撫按嘉其能辟之行開備折衝
回青痛父損軀殉難不欲以遺體行殆辭不赴自是徇
徻畢社閒以詩奕自娛性孝友慈祥事繼母色養無閒
異母弟不慧始終鞠之不以責諸弟急人之困如身當
有喪者匍匐赴之有鬪者纓冠救之族里有轆轤必藉
之爲政緩急叩門未嘗以事爲解有施不責報雖有夙
讐一言解仇卽渙然冰釋或有相欺相負者其爲德終
無替年八十一卒鄉人俱稱爲長者云子中通作河
杜思慶字子儀號西野晉江鳳橋人少有志至性事父以孝

謹聞遇弟友愛篤摯用宅廢業者盡棄界之無何弟及
婦繼歿撫其一孤如已子弟先有假貸取歲入分償之
緣縷替珥一一籍記及姪授宦按籍以還生平未嘗與
人爭訟有犯者置之不校人自愧屈好覽通鑑歷代賢
奸理亂瞭如指掌晚築小廬于西山下課藏獲耕穫與
父老談桑麻節候風俗故舊脩然自適郡邑禮請鄉賓
不就年七十六卒

採鄭
海撰詩

陳希銓字夏迪號後山同安涪洲人兄爲諸生弟未成立
乃令儒讀法爲椽吏以養親一家數十口經費皆倚辦

一錢尺布無所私與泉使者萬民共嘉其志行每召立
談久至命以坐固謝不敢問幾于治經何若寧欲遊泮
乎對曰男學未也人笑其愚旣以思親辭歸不數歲父
母繼歿執喪如禮做事兄長撫弟妹如子罄資以助亡
姊之祿從弟沛客死滄泮徒步往迹瘞處負骸歸葬宗
祠圯捐俸倡建身負木石先之待內外戚屬知交人盡
厭意擇言而吐視繩而蹈斤斤規檢不敢越後從郡人

周標至兗州府署歿於兗

節遜菴全集

丁建全名嶽字建全以字行更字見一號玉山晉江人遇

歲而孤踰暑八里塾授胡氏春秋手抄左傳因事附義
彙括十二公之行事十八爲郡諸生屢試居首貳守尹
良齋延爲子師逾年無毫髮干尹服其操行端方旣而
漳郡士子走數百里遠致之戶外屢滿長泰致政巡撫
戴公稱其學有淵源旣數躋秋闈歸而卒業山齋文益
斂華就實篤性孝友以不及養父爲戚值生辰倍增涕
泗嘗作詩有痛恨父旣往萬鍾何有身之句手書康齋
贈白沙孝思堂記以自勵事二母情禮俱至無專制稟
命二兄而受成焉襄父葬殫力與費躬親畚鍤年四十

四卒從弟自申銘其墓

節三
陵稿

易欽號養樸晉江人性真率雖受人欺不疑鄉鄰有惠如
家人赴之有稱貸不少吝或沮以貧曰吾知之裕者豈
從吾貸耶貸多無質券或病其無徵則曰貸期償耳不
能償徒券也爲狡者負竟不責償或以慙譏第笑曰爲
人負者懦則負人強乎貿易務平輸不立異價有忘遺
而去者謹藏以俟迨至還之不受謝算計有誤入必以
告不掩其誤鄉有義舉毅然倡始橋梁道路之修雖鄰
邑亦有助焉兄弟四人欽居長弱冠卽自力養親親終

傾貲營葬不及諸弟祖父遺產惟諸弟取不較也年七

十卒以子時中貴贈如其官

節補江集

黃堪字騰輿晉江人性孝友父有痼疾堪晝夜不離側湯藥必親嘗飲食必手進歷寒暑未嘗出門兄早逝寡嫂孤姪厚撫無閒生平著作倭寇焚後僅存有寄思集論

祭文明倫文海忠呈

安平志

洪俊字子才號見泉同安人少讀書不喜幅括棄去治耕娶妻後父母兄弟繼沒季弟方勳兄遺孤在抱謂妻曰

吾任父若任母其與冀之以克有家有無相通雞犬桑

麻相守望歲時酒食相勞雖室罄必具食輟哺寢分襟
毫無岐視值海寇棘民居烏獸散有父執彭姓篋金百
二十兩來寄以亂辭彭曰得失有命子不吾負吾亦未
嘗告吾子也既受命懷篋俱臥起寇退而返之曰幸不
辱命里中團結社兵捍賊驚閉有琰石者八人自南安
來衆曰謀也攫其囊金去且將沈之水俊挺身持不可
曰傭也而賊之不畏鬼神乎吾且白諸官矣卒還金而
以八人免族有感形家言者收父母骸襲祖塋穴事甚
陰不可禦爲盟香贊山靈以祕計護之卒不侵當其避

寇也妻獲海依外家身自守舍晨登山瞭望夜歸以糠
緇火雞鳴炊而後出爲常忽夜半賊將見掩家人婦呼
于閤起諸宿者俊起尚欲具炊怪竈灰冷方隨衆出門
賊火已尾其後得免難甲于正月賊猝至挈妻子避入
後堡堡湫窄賊連陷沈井諸寨踵攻堡瓦石皆震忽賊
相驚呼散去則賊將軍兵至也其存亡閒不容髮人謂
德報子曰觀萬歷辛卯舉人金華府推官贈父如其職

節選

全集

何浚字于澄晉江人兄早歿有子女各二零丁孤苦莫必

其命而姊妹所出甥亦彫瘁不堪浚鬻繡爲業本直少
不足給自節哺省歆並收養之皆至成立及浚卒兄二
子爲服三年喪

丁曰造號肖梧晉江諸生自申子啓濟父也自申守梧時
娶妻於家侍父母妻善病居城而父母居陳江舊宅相
去二十里日造旦趨陳江暮入城市起居大父母若母
皆徒步往還非甚風雨不輟奉母湯液口嘗手進不敢
怠聞齋息有聲乃始斂足退自申潔修富官歸而築宮
不能成日造節縮經營之所自營產皆以分諸弟無私

者親友有不給悉周恤之厚遣從伯父之孤女贖宗姪
之孥于巨家皆卓卓可傳父故有藏書之富日造包羅
指歸發爲文章著聞當世有朝野萃言六書考續家譜
諸書子啓濬司李于楚有令饗養于官啓濬察之令大
驚馳急足爲日造壽叱走之封其牘遺啓濬曰好處之
此非護身符也牘具在召令面返之不則吏且爲乾沒
令莫知我誠僞且累兒名啓濬拜牘泣彌砥清節以子
啓濬貴贈刑部侍郎

張文宇朝煥號寄泉晉江人兄弟四人文居長能以友愛

得父心父端居嚴整常掃地焚香客至談款移時輒先
意爲治具酒清飯潔不俟命而進三弟爲諸生好致賓
客每冠蓋盈門文延禮入坐觴侑竭歡如父賓遇事義
氣激發不爲私回族子弟有過必斥里中有無賴者擠
族之孤於水文奔馳往救得免被擠者舉手加額曰生
我者張公也生子甫離襁褓輒徙居郡城學宮之傍俾
習見衣冠俎豆禮節人謂義方之教子會宗

節三
陵稿

黃時清字以時以字行號榆泉晉江人伯善長子爲諸生
肄業成均授湖廣布政司副理問職閒事簡蒞以寬靜

藩司重之有綠水芙蓉之譽鄉人徐某爲縣丞上賦滿
司中途亡失數百金時清爲請寬期徐補得保其官逾
年完解京師凡上供之物務合程度時臬幕彭某亦完
解至京其子因忿爭誤傷人至死繫法司以同官來告
急探囊得白金與之彭藉以居閒父子俱脫罪事竣力
求歸養藩司以幣楔追贖焉至家父已病亟得視殮送
終人謂孝感時清外恭內坦設誠待人然義氣所激不
稍挫叔仰厄于仇府倅某受囑將斃之囹圄時清率昆
弟叩府門欲與俱死倅怒并繫時清然自是不敢加害

仰既脫囚上書擊僭死難時賊勢熾漫劫清伏近郊夜
乘閒入賊營負其屍歸人服其義膽年七十七卒於家

節河
于集

傅宏鉅字世範號實齋晉江人二歲痘厄絕息者再已就
斂而甦少長從兄遂什一所羸盡歸之兄友愛無異視
兄子病迎醫問藥一夜十起夜曉不交者浹旬從弟病
旁皇請治旦夕守不離側外叔胡某歿助之沐槨捐布
帛以殮力不支而窮益甚樸誠自矢然諾不欺足跡未
嘗至公門嘗從兄之郡縣聞輿臺聲呼輒心驚課子力

學雖竈突時冷必豐修脯治祖父母墳時已病猶力疾
與伯仲採舂繫歸而泣曰如殘喘可延當以是冬歸父
母于地下竟未厝而卒子道唯萬歷癸酉舉人知興寧

崇寧二縣歷雲南副使

景璧集

李重燿字璧甫號復樸安溪人太常卿懋檜第七子父歿
受遺言十三章撫教諸幼弟殷勤備至五兄爲諸生敬
養如父晚居田陽迎與俱益加恭謹兄歿哭泣含殮哀
動路人壯歲拮据有田百六十雙悉畀十一弟爲燈窓
費遊燕吳南北閒博購羣書爲數大麓連楹作半航樓

信之且發笈讀必選選必鈔約古今嘉言異事差次成帙若干卷自是讌遊羣公辨論援据咸聞所未聞爰考醫方博稽奇驗遇人病輒持藥授之惟恐不中性慷慨得財不屑呼人而與得言不隱招人而告作室室人輟食食人歲掩骼無數所援無罪尤多在田陽有數囚論死已備廉其寃立白出之又嘗坐客下有言某寃久繫者卽起離席人莫測所如未幾引寃者俱至宴飲如初丁戊閒綠林四合重瘞亦部署臧獲自捍皆相戒勿入其域一日被困幾殆見一人直前掖之而出詢之卽

昔日起席所理冤也

節盤嶼
備言

黃鸞字德夫號菴安溪長泰里人少孤長苦尅讀書數
厄不顯入貲爲濟王府典膳待次益府襟韻閒曠行誼
謹飭府中人皆異之世子賢而有文引與爲禮別於他
僚閒從郡中文雅士人游縱觀僊都麻源探謝靈運所
窮處摩娑顏魯公所爲僊姑碑文不爲窘齷其輩相目
自謂不及次遠未可待請告府中人不欲其去詞懇得
請世子爲餞手篆大書賜之至家勉子弟就學攻文曰

吾聊遨遊過寺 此冠服何足爲榮行棄之矣歲時聚會

敦睦友人鄉民耕其田者不敢以役畜之徵租常緩期
有貧者已之舉賦之外不一措足縣門自奉纖嗇而
用財嘗行見橋圯途崩問士人胡不梁而砥之曰安所
仰貲驚曰於我乎取遂得其貲以濟事年四十卒王慎

中爲銘其墓子大本大任

安溪縣志卷
王遵巖文集

李璋字振載號象明同安人潮州守春芳子三歲而孤母
翼之年十六爲諸生旋遊南雍縱觀金陵山水友天下
士歸放浪耳目自娛散千金弗顧以母病稍斂飭然好
結客浮白終日不厭每遠遊輒停舟車僦一驢周覽形

勝辨其風諸土物日以廣吾陋兼寫旅懷久之以例子
上林苑監錄事秩需次二年除良牧署司課無苛署既
暇益多從長者遊中丞郭惟賢愛之款談甚洽出爲吳
江主簿惟賢贈以詩至蘇守令咸優遇之吏材敏決不
懾強禦案無留牘未幾卒於官璋雖豪雋而雋倫物莊
事繼母遇譙呵必介所親袒跪謝撫大宗之孫于孤幼
而助之室推財多所施舍有懷必吐無茹言宿事或于
貴盛而遷近同輩抑抑善下蓋畧於小而能謹於大者

祖浴雲字仕卿號龍洲同安人幼穎慧嫻駢語稱長失恃
哀毀成禮孝事繼母友愛異母弟年二十一爲諸生名
驟起初試不售卽築精舍于五老山中希跡城市得李
地師卜地葬母葬時有雙鶴集其旁人謂孝感會妻病
而李地師被誣逮繫聞而愀然曰李君良友坐視其非
辜而不自白之視貫高纛布愧矣人以內恙難之妻廉其
志愆患之曰余體稍和第行無慮竟脫李獄載與歸生
平絕貴介氣亦未嘗干有司遇試皆前列再赴秋闈已
收復棄歸益自奮曰吾當探石渠天祿之祕爲宇宙第

一名流但以帖括家博第非傑也至建州購書數千卷

還而卒業焉未幾病卒年三十四鄉人爲鐫龍洲臥岡

四字于五老山石

節見巖集

陳舜道字二吾晉江人以孝聞家貧不能養出贅城外日負米入城供親偶行僻野忽有飛錢數千取以爲甘旨之奉人謂孝感乾隆年間呈准附祀晉邑忠孝祠孫保

泰萬歷癸丑進士官御史

陳氏家傳

邱堯熙字士函號雪臺晉江人養活孫維棻子生而沈靜端莊十歲喪母哭踊如禮父嚴課督堯熙啜唔不休筒

腹難忘鬻冠爲安溪諸生改郡庠益篤志下帷受學於
李廷機史朝宜文日益進根極宗旨沈鬱雄勁不以藻
繪誇長最喜左氏司馬子長字訂而句繹之中表莊嚴
豐每稱其文學器識在舉業蹊徑外督學試屢異等三
預種闡幾入雋竟報罷褫躬處世謹言惇行一以父爲
法折節恭儉敬宗收族愛諸從如胞乳割上產百餘石
爲姑適莊氏贍養資釋町去陞貴賤長少如一容人過
失急人困窮二毛已見好學不衰父納妾生弟堯明年
少若子行拊而友之壯與冠婚兄先業及雜物無不均

剖者晚年赴省辟將歸疾作輿過洛陽未及寢而卒景璧
集

黃澄字敦廉晉江人幼授書過目輒成誦以體弱不能卒
舉子業然喜書不倦尤嗜左氏春秋及漢書三國志每
至古今成敗輒撫几歎曰是其計畫有工拙非獨天意
也壯年以勤儉起家喜施與以匄貸至者隨所欲與之
不以囊空爲解不以暮夜爲辭卽有負者不變也居父
母喪焦毀踰禮素不習堪輿喪居讀書心賦地理真機
諸書默悟其旨遍歷諸山得吉地葬焉居家孝友事兄

如父從兄淵少孤家落偕兄先後之代輸賦役終身不
倦叔母十七而寡孀居六十年高其節傷其貧爲治棺
衾營宅兆以送其終不以其有子而膜視之遭倭亂濱
海靡寧囑兄移居郡城而自處於衛以守邱墓無何倭
大至永寧失守陰令長年三老艤舟以俟及敗鄉人被
驅入海賴以全活者五十餘人有趙某嘗訟澄兄弟於
直指爲之破產至是其子立波濤中垂死遣舟人救之
曰吾不以怨故廢義也衛有林九觀爲賊所執索贖錢
二十緡屬劍於頸曰日中不至且斬其子奔告於澄急

持以贖之不責價倭復發塚索贖父柩在發中撫膺歎曰家破矣何以贖父骸吾生不能殺賊死且訴於帝仰而呼天者三大哭仆地移時方避竟悲痛旬日而歿會賊爲官軍所困議降兄盡出簪珥得贖屍歸而澄已不及見矣以子克纘貴贈如其官

何居憲字師尹號象維晉江人元述季子生於粵東官署少穎敏十歲能記四書旁及五經旣爲文師郭春谷曰三奏牘郭歿送師李廷機下帷三載爲郡諸生有才講事父母孝甘毳之供定省之禮必躬必問父有客至供

帳咄嗟立辦仍命妻具膳進母嘗自扁其堂曰一樂志
快也及母歿念父年逾八十顧父妾王氏能適其意而
安其體亦事之如母焉王歿殯殮諸事請從厚父屢稱
其孝旣而父逾九十謝世長兄宦外次兄已出繼臨終
諸大事必誠必慎悉身肩之分產委利愛猶一無所較
與人交坦衷無城府服食起居槩從節嗇嘗送伯仲二
嫂往忻州承天宦邸得歷吳越燕趙秦晉楚之區縱觀
太行武當大江黃河諸勝入京觀宮闕壯麗謁李廷機
于翰林自謂天倫之外此爲至樂及廷機罷歸後源源

而見一言一動無不以爲法焉

節景
壁集

莊塗宇伯載號西峯晉江人甫生而孤幼刻勵習舉業長
持籌秉家政猶分晷兼及具甘旨當母歡爲父擇兆身
負土先傭作辛壬倖至發塚索贖金夜半率數人縋城
出伺賊聞至先塋扶柩歸幾罹虎口歲時修歷世祀事
葺墳廬新棹楔歷代世守焉督子孫嚴日令就傅夕攤
書夜坐佐讀不休性真率無緣飾客至貰酒治脰款洽
竟日以急告者周之不給稱貸以繼妹之女幼孤遺之
如已女以居宅易叔父地任更張之不計直督廉其

行誼子青衿仰奉先世貞節曾氏祀亦旌孝友云年六

十二卒

節楊文
恪文集

劉旒字時達晉江洛陽橋南人叅政宏寶父朴茂惻怛守
禮樂善居恒無疾遽言容事親養生送終極其孝敬諱
口遍市所嗜熟薦之至于急人甚於已有求輒應存育
婚娶待族人尤厚邑有里賦里人推旒督適歲稔遭賦
者十九旒對貧戶灑泣歸鬻田代輸邑令嘉其行誼鄉
先生何趙二公紀其事而榮之

黃潮字梅川晉江人幼聰穎從張文應學春秋史于光學

易綽有妙契屢試不遇會督學總試聞士擊節其文遂
取應試卒遇病不果入闈歎曰命也自是不復試有司
惟以詩書自娛課督子孫居家孝友與物無忤歲殿大
疫所居墉後別舍僦住者數人潮釀酒其閒欲往漉酒
則聞僦居婦嚙語云欲塞具則黃氏酒在貧人安得酒
瘵鬼云渠酒有守者不可妄食潮漉酒如故鄉四百家
死者十五而潮家無恙家負海寇時出沒乃移居永寧
既而曰城小備弛詎可恃耶復移於郡城龍津里未幾
永寧沒于倭人服其遠識叔母十七而寡撫孤子淵貧

甚潮情弟澄代輸稅幾終身并爲叔母泣有善方承事
城破細賊逃入郡相依者以百計解衣衣之推食食之
病則爲求醫藥靡失所者姪克纘等爲賊所掠斥諸婦
簪珥贖歸父葬仕林山被賊椎埋索贖傾家薦賄得歸
骸骨賊平訟於官椎埋者自殺抵罪人謂全父屍孝也
復父讐義也無愧春秋大旨云及孫道瞻登進士爲諫
垣劾大司馬大將軍冒功絕塞再黜再召時潮已八十
餘每聞謫官報喜形于色且着書以壯其志云年九十

二卒

陳俊字克位號宅洲同安人健孫少穎嗜學與兄榮祖榮
選俱以文名爲諸生歷試前茅七赴棘闈不售萬歷癸
卯應歲貢越五載授福州府訓導省會送迎甚劇浩然
曰吾老矣安能爲首葆折腰遂不赴杜門譏述以文事
課子孫又十年卒俊古心質行貌冷情溫事父母色養
維謹居喪以毀名恭事二兄商質古今常至夜分雖老
猶有讓梨時意壯年喪妻矢不再娶慷慨持大義至損
己以集事而不自見德寓長安有同年告窘傾橐贈之
惠安鄉生同貢暴卒殯而哭之哀雅甘淡泊諸子或以

輕煖肥甘進亟廢去曰此非儒味所宜居恒每以無求
安飽恥惡衣食懷居三章反覆誦之邑令嘉其恬守鄉
射禮爲上賓子穀萬歷庚子舉人歷任新安藍山知縣
節遜菴

全集

陳潔字是鳴號恪亮晉江安平人家貧棄儒業就賣兄弟
四人伯鮮才仲蚤逝季又善病悉以資合而經營之環
家百餘指同堂合食里中謂江州再見繼母李年少寡
慈委婉承之反苛爲愛父喜山居攜李偕往潔供餉菽
菽定省無缺鄉先生孝之欲旌於郡回辭焉里中子張

脩訥重赤貧命代理家政以所贏均而四之嘉靖之季
倭蹂重以歲饑戚屬避亂相依者數十家悉分貲給之
經再歲不懈有所親陷賊索贖捐數十金爲營脫隣某
客粵母子喪不能治傾囊助其殯求貸者多持券來曰
無須也悉推惠之嘗因市繚絮得遺金珥追其主還焉
與人處冲然若不勝衣有少年相詈者不與較至課督
諸子則繩尺必嚴每對家人輒援引古人知義田百忍
諸狀誦說不休年三十九卒臨歿猶諄諄於范張三田

歐陽楊字汝甫號九山南安人深季子十四歲喪父其兄
模愛之攜至京自課督母多病榻視湯藥維謹歿哀毀
盡禮服除猶骨立襄歷世葬事故事諸兄財產一無所
較親故相依者負其室家給其衣食擇人而交非法不
言家庭之內嫡庶有體男女等視遇減獲以恩處里閭
以厚恤鄉睦族千里誦義生平衷摯情理未嘗責人難
處猶子不廢義方有諷諭佐以酒從容解譬皆憚其正
性好客所居客常滿詩不甚工然時時爲小記短贊申
年歸東田故居構登賢館延友相娛晚復攜子之城市

讀書時與兄聚自曰兄弟桑榆矣得相依一快也年五十八卒

劉夢龍字國禎號肖沂同安人存德子幼機穎嚮學年十二爲諸生下帷發憤有聲庠序嘉靖戊巳閉海賊橫發攻城夢龍手畫備禦之策邑令譚維鼎聽之又捐貲於城東築土壘爲犄角部署既定益市牛酒勸勞之民依堡得全者甚衆時父備兵潮陽檄調閩卒應募者未聞貲第願得夢龍一諾蓋一日而集壯士數百人及父宦歸一切家政皆倚辦上承父志竭力洗腆無數晷不鮮

撫諸弟教而育之及父歿而禍作司寇洪朝選被逮死
獄子伏闕訟寃謂令其與聞其事夢龍適與令善故波
及之猶日夜負土襄葬事已析產甚均而挺身赴理紆
諸弟之難弟夢騶竟株連褫青衫而幼弟夢松夢潮無
恙卒以成立夢龍力也及夢松既登第入仕籍乃退耕
於野與田夫野老談桑麻鄉鄰構釁得其一言立解族
屬有過舉正詞諭之無不改心易慮其達識敢言動中
竊竅令人心折氣平晚年益遠於挫銳解紛之術善摧
剛爲柔非獨其智多也年七十九卒

節清白
堂稿

王三錫同安人濟子母老棄諸生終養剛果明決親識有
紛構得其片言立解晚遊於酒卒年八十三以子道顯
貴封如其官

同安志

劉紹豸本名應免爲諸生改今名字悅甫號秋軒同安人
汝楠孫少聰敏父授以章句釋悟性深湛嗜思稱知
爲文便苦力索先從邑解元林奇石學繼乃入郡師李
光縉剔膚去膚惟與二師橫縱今古不意滿不休八庠

後愈蒸蒸思奮賜冠居父喪哀戚如禮附身與棺靡不
周慎持家政嚴厲豪奴悍婢不敢抗有犯面指斥之事

通輒忘人憚其威而服其量撫二弟延師課督不以慈
愛在疚稍爲姑息願體素弱善病加以力學不輟竟無
年以終光緒爲銘其墓

吳永璧
集

陳徹字孔熙爲諸生取名大章晉江人琛孫敦謙子童時
祖叔讓器之曰是吾宗英物讀書有志祖父學業思振
拔踵其後好爲深湛之思思之未得夜分不寐不爲記
誦剽綴之學刻意爲文會心切理接人不能爲未同言
於正人君子則傾意下之貌敬情真久而不衰氣味稍
異者遠之若免戲謔褻慢之言不出於口浮浪非僻之

習不接於目色無忿厲容無疾遽讀書山齋動經旬月
母病從書舍歸依依左右省衣厚薄食加減父所爲或
不當其心婉詞幾諫居庠七載赫赫有聲秋試冒暑歸
病八月卒丁自申爲銘其墓

節三
陵稿

許于國字世臣號弈賜晉江人天琦長子爲諸生試輒異
等父宦於外于國獨理家政閉戶讀書門可羅雀有兩
仇家陰相擠挽爲援正色拒之其人卒他假當道陰質
之于國爲兩白而絕其纒竟不自鳴父歿于滇闕關扶
窆歸事母孝謹或母從弟居必時時問安否家貲故薄

與弟均分毫無所私豐祭祀篤宗黨緩急告者卹之不吝性坦夷愿樸然諾不欺擇地而蹈喜談人善不哂人過澹遊吳越燕趙上匡廬遊洞庭訪彭澤合故處歸則怡情烟霞托真物表構小軒昭省其中名曰獨照因自

呼爲獨照子

薛景璧集

郭士新字熙卿晉江人潮州守良佐孫爲諸生補饒醇雅敦孝弟祖母舅病癘爲滿滌穢惡調進醫藥沒厚殮葬之而益善遇其孤值泉警有家者投戈登陴季父懸燧失火於堞有司窮治之士新匍伏請代筆楚竟兩免生

平義以自廉而常以財衣食人介以自持而常以量包容人約以自卑而矜義勇爲常以健勝人以子得書令大名贈如其官

鄭邦佳字士芬號印湖晉江人良璧第六子良璧年六十五方作宅生邦佳急叩門告老僕曰吾房主人出世矣五歲良璧歿母邱氏百計卵翼備嘗諸艱十九爲諸生口緝腹裁寸田尺宅不敢遺夫然大義所在則傾囊無所吝嘗佗係慷慨曰丈夫一到燕京壯遊南北死卽不恨

母病醫藥惟謹稍聞白母至庄舍忽心動夜冒雨馳二

十里歸得執訣言塊百日家爨然痛哭繼以吞聲及
子之鉉成進士選館邦佳至京以 覃恩受封 闕下

歸而紆道入金陵徘徊諸山川名勝至家襄母葬事敏
節母立孤千餘言字字出血入窆時號躄踊觀者感泣
竟以勞損中疾卒年五十九與父良璧並祀鄉賢

節克
蘇堂

文集

潘維城字光宗號春江晉江人幼從兄侍御學長而結社
里中與李廷機爲密友癸巳貢入太學三應畿試子洙
貴猶不受封曰一生辛苦亦欲豎尺寸兒姑榮而母耳

當兄侍御歷南北而人不知維城爲貴介弟及涿以
工部權闕武林維城自京還過之逾月而行語不及家
其家居時郡邑大夫欲見之不能得而性慈好施每割
廩粟賑窮交卹死及孤久而不勗以明經終旣歿而子
始請於朝贈如其官

史繼俸晉江人方伯朝宜子也強學他無訾省史氏之門
貴盛繼俸獨耐貧苦持躬孤行壹意母卒治墳負畚鍤

爲備先

書

葉震陽字以東號可南同安南陽人移居南安白石仍侍

父於南陽畫出橫經夜則視寢二十年如一日父曉病
困時刻不離滌器盥衣晝夜數十更四載不懈弟萃陽
來欲均勞輒慰遣曰我讀而扶老汝耕而養老各致其
能以成孝可也枕經藉史學期致用五不逢而志益壯
性方鯁不喜俗流見高譽長袖豪少年亟擯之獨與同
志舊遊迭過從其啓迪後生重實學不斤斤佔舉出其
門者多博雅知名年未四十以弟華陽之長子先章爲
子未幾復夭以弟三子成章爲子每設帳必挈以從曰
三世當不負雜誦也成章萬歷壬子舉人已未進士自

長洲令遷御史累贈父如其官後歷大理寺卿

蘇李鹿
巢文集

柯揚字文德號方圃同安人生逾月喪母又九月喪父族

人利其遺貲厄危者屢賴祖母葉氏藏掖于壻家得免

稍長善擇算資用以饒待族人不過舊惡敦洽無閉總

功昆弟視若同胞慷慨好施慕尚賢豪長者如不及攜

子讀書郡城遂家焉曰吾故居得無虞海寇乎不數年

而寇大作戚里避寇來郡者俱依揚爲棲止解衣推食

無所吝咸稱其智且仁旣而念莊江故居爲先世拱木

之遺身後仍將葬焉乃修葺宗祠命其庶子曰林居之

長子曰森本名一蘭隆慶庚午舉人雋後改今名任孝
豐知縣

楊陽孝字和卿以字行自號衍州居士晉江人敷子幼聰
穎嗜學工翰墨試弗利徒步購書百折不衰偶見父督
家僮舂錫歸即慨然曰竭力耕田子職也父尚有百畝
憂何以讀書爲棄去治醫財又慨然曰吾以不逢時託
此倘不極其趣與俗醫索阿堵何異於是研精肺理投
劑輒應手效療活無數郡邑推重然不受謝開有受不
畱諸藥盡持以備晨昏甘毳之供年已五十父不命坐

不敢坐父偶因他事不悅跪請杖必得其歡乃起課子
誦讀百里延師傾貲無怙父歿哀毀骨立值倭亂遣家
避入郡城隻身守櫟村中被賊扶去賊命爲書檄誘脅
百端陽春骯髒罵不絕口遂遇害年五十有二孫景辰

揚人學士文集

涂俊字君賢號恬泉晉江人幼聰慧一覽輒記又善書法
無何兵燹交作餓僅載道乃輟舉業百計經營以奉二
人甘旨事兄恭讓篤愛其弟有所入悉推毋吝慷慨好
施急人甚於急己卽囊常空而輒有輒予不計家人產

嘗客京師縉紳賢豪咸稱其長厚縑布衣交所至車轍
絡繹途過堊者捐楮收瘞口不言德書有所爲夜必焚
香告天課子崇師隆友禮意有加及子服官戒之曰子
之能仕父教之忠願一意清白毋貽朝廷羞受封之後
仍然韋素日邀舊侶修洛社會里中有構必造請數言
而決郡太守延致上賓累辭不獲免卒後大學士楊景
辰誌其墓予喬芳萬歷甲午舉人乙未進士由行人歷

戶部主事終臨江知府

橫大學士文集

李廷柱字爾立晉江人廷機弟入永庠以選貢授邵陽訓

導陞翁源教諭方爲諸生時屢以行舉郡守竇公甚愛
重之見邑庠所舉無其名怪問校官校官對以生力辭
故不舉竇公曰惟辭所以當舉也兄仕於京廷柱家居
無半刺入公門無得罪於鄉里與人處人不知爲相君
弟也其銓授不言進其在官不言俸入不言陞轉其子
生徒邵饋周急在邵陽巡按以廷機故削其薦無愠色
性情溫和廷機自謂不及云

傳履續字則孝南安人少以孝友聞年十二補博士弟子
員砥礪實行里中比之王彥方有忿爭者輒望慮而反

後以善病學養生法利物濟人尤好施與遇窮乏必周
之精於地理嘗與一友善即割己山一穴以贈爲之卜
造不少怪後其孫某登進士己令周公紹祚聞而嘉之
深禮重焉年七十有三猶嬰縲如莊年時一日索平生
所借券盡焚之曰吾不忍以不仁之事遺後人也遂端
坐而逝孫文龍天啓壬戌進士曾孫廷璋康熙己酉舉

人
高安

柯毓高字仁宏號懋升晉江人父乾教嘉靖乙酉舉人歷
官贛州府同知先娶楊生子四長毓奇嘉靖戊午舉人

與二子皆先歿惟季存毓高則繼妻黃出也三歲而
父歿母年方一十五茹荼育之授以遺經迪以孝友競
就奉訓事季兄及諸嫂維謹就塾九歲能文先是父遺
命產業兩均不爲迷者置嗣及是季兄舉三子伯嫂以
立後請毓高從與之曰伯兄舉于鄉且家嗣也何可無
繼遂以姪應瑞嗣焉時毓高年甫十三耳未幾季兄歿
嬰奠益多姻戚藉藉睨其旁復請爲三兄立後中外
訐煽門戶幾顛覆毓高隱忍調停或定爲專祀或婉爲
承第望支撐門戶不敢計較也所得餘業不及季兄

十之三百戶役勞齊獨身肩之幾輟鋤塹功歲戊子爲
郡諸生覺侮稍戢益奮勉銳學與諸名士相切劘屢躋
塲屋壯志不衰襄父及長次兄葬事修葺祖祠每議禮
議役悉以身先日申子弟以長厚之訓鄉閭亦感戢焉
其妻爲莊際昌之姑值際昌假歸毓高亟以龔雲致興
修泮田塘水利碑文相屬其好善慕義多類此臨歿尚

以季兄未葬爲憾云

霞樓
藏葉

莊以蓋字君任號宗坡惠安人方伯應禎仲子當萬歷之
季豐城李孟誠來閩中講止修之學而以蓋實出其門

爲文染筆伸紙數千言立就不過竟棄去母享年百歲
至老色養不懈季弟疾多年調護無方邑有畱公坡壤
而苦澇請當道堰之民田以豐得額外產田若干畝
當道入爲學租寒士世世賴之爲人排難解紛賑救施
與惟恐後時邑先達曾偉芳奇其岸畧常稱之曰使君
得從續紳當任使當令大司農饒財大司馬足兵無憂
東北防矣其見重始此

黃鳳翔字于岡號岐山晉江人鳳翔兄生週歲母歿鞠於
繼母幼苦羸疾稍長日誦數百言而不能爲文旣輟業

亦不能作治生計間以餘貲付僮僕居積出入靡所不積卽耗焉不問弟入宦時訓俸與之絕不營產業或供婚嫁或佐賓客應手輒盡嘗語人曰人生猶寄耳食不給乃問田居不給乃問宅何至貪積聚仰機利重自苦爲每從鄉人醵杯談笑和易可親咸敬愛之有女弟適李生蚤寡有心疾母就養京邸囑鳳翊迎致于家語其妻曰是吾圖報之秋爾必勉之妻如言朝夕撫摩省視惟謹母聞懼甚郡太守延致鄉賓辭不赴旣而繼母病篤念其羸弱戒勿毀瘵鳳翊當酷暑偕弟倚杖酬弔賓

無寧畧弟譏以母囑請稍節勞不荅復因所親識之則
曰吾非不勝喪者奈何重自愛而闕劬勞報卒以瘁病
弗起前一日方修母齋薦次日祇祀事尚力疾揮畫於
簣上頓首曰兒逝矣願少假須臾申一念乃覲母地下
及祀事畢遂歿年六十二

林應麟字君德號滌滌渠安溪人父瑒京衛叅軍應麟爲諸

生受餼口蹇不能誦而善強識一笥腹中終身不忘治
春秋博習諸子百家爲文沛然若江河值寇警獨搜括
載籍緘之勝囊他無所問或謂之答曰此吾所嗜也寇

平徒居郡城與諸豪俊一切剽詞米空湧郡士謝弗如
課子維嚴夜必篝燈雜三號輒趣起以身率之父久宦
于外事母竭誠界李弟四宅家僮與已埒女弟裝送倍
厚與人交披襟展款客至權飲忘倦里中凡有義舉必
就詢而行焉子兩化長沙推官

楊道寬字惟制號振軒晉江人少孤事母至孝老而彌篤
事兄如父撫兄遺孤如子善擘畫爲族人持門戶身任
其征徭踐更急人之困凡貧不能存冤不能白者見之
若在身涕泗嗚咽相對有友械繫會城日馳百餘里銳

身救之氣嶽嶽遇事輒發不能陰陽圓伺族子弟有過
失面折之不問貴介闔里望之莫不莊憚既一門貴盛
絕不憑勢爭利布衣行道中見片紙隻字俯拾之人曰
此欲效王孝先父不知有佳兒否聞而應之曰何知父
孝先我心尊聖賢歿後以子錫璜任金壇令贈如其官
錫璜萬歷戊午己未聯捷進士歷太常寺少卿

林牧字師讓號葵淵同安人幼能文而厄於遇孝養其親
父素善宋姓每飯必延與俱父爲加匕妹將嫁而難於
奩具以妻奩充之父大喜事二兄怡怡無閒從兒以訟

事繁房部捐貲解之嘗過族兄某見其啜茶數碗怪問
故曰當年食耳爲惻然捐餘精餉焉又嘗見妊婦負薪
亟走如廁意其產也告妻使婢視之果然爲具雞酒食
之婦得抱兒無恙歸尤折節諸名士與共有無窶人子
待以舉火者幸爲折券每寄情於花竹魚鳥圖書詩酒
閒與知交酬酢勿絕家稍落不顧孫一柱萬歷庚戌進

士官御史

節清白
室稿

邱良箴字孔訓號我省晉江人重之齋家貧無以爲養釋
書史而營什一父喜交遊所結客皆儒雅治茶鑪酒壘

身外月三
不少懈父歿求棺縛誌其墓送車至數十輛奉繼母如
母繼母所出弟妹視如同胞居恒教子以友于之誼咸
遵教不復祈箸爲人慷慨直心樹德倡義無所吝有負
其賞者至再至三無幾微見顏色至蒙右相齟齬奮身
弗顧也里黨有不平必得其一言爲解年六十七卒子
然卿瑞金尉應薦英德尉能其官

周仕慶號震吾同安人治春秋明大義是非無所回護坦
衷實貌無崖異谿刻之行孝友天植父嗜酒不治產仕
慶竭力營生不蓄私財父以酒得疾瘡大如斗晝夜視

湯藥恒口爲吮之歿則竭誠盡慎治喪如禮撫九歲幼
弟得母歡析箸時次第所闔田當下流慨然以已田易
之卒付波臣無所悔仲父歿無子仲母僅存季父蚤歿
二孤方孩提仕慶率諸弟事仲母如母爲季父二孤鈞
券簿稽疆畝井然有條又爲關其出入俾無侵牟課子
孫讀書必次第問其所業終日抱膝趺坐口不關長短
心不着恩怨無親疎少長接之以禮桀驁者卽之輒化
素不學醫有所加卽之必應或躬爲省視不計單寒鄉
入德之邑令延賓賓辭不赴年八十五卒孫爾發萬歷

庚戌進士應天府丞

節清白
堂稿

呂誠源字以漸號東溟同安人幼喜經書古文有名諸生
聞父蚤喪事母以孝聞爲人坦夷無私府臨財不苟取
予處家不爲煦沫態所交皆知名士溟多倭賊徙居金
門所捐金數百築東堡以護近鄉逃寇者里人賴之沿
海漁民藉其貲營生時以所獲來餽卻不受晚年邑令
數延大賓間一赴卒後蔡獻臣爲之銘

節清白
堂稿

泉州府志卷之五十九終